

Padrón

Concello de Padrón

CIF P1506600D

Rúa Longa, 27

15900 Padrón, A Coruña

correo@padron.gal

www.concellodepadrón.es

Tfl: 981 81 04 51

Fax: 981 81 15 50

ACTA DA SESIÓN EXTRAORDINARIA DO PLENO DA CORPORACIÓN CELEBRADA O DÍA 18 DE FEBREIRO DO 2016

Señoras e señores asistentes

Alcalde-Presidente:

Don Antonio Fernández Angueira.

Concelleiras e concelleiros:

Don José Ramón Pardo Andrade.

Don Andrés Sanmarco Santos.

Dona Lorena Couso Dopazo.

Don Francisco García Dios.

Don Ángel Rodríguez Conde.

Don Francisco Javier Guillán Iglesias.

Don Camilo Forján Seoane.

Don Alberto Piñeiro Otero.

Dona Teresa Rey Pazos.

Don Cesáreo González Pardal.

Don Xoán André Santaló Ríos.

Don Eloy Rodríguez Carbia.

Secretaria:

Dona Ana María Ares Álvarez.

Interventor accidental:

Don José Marcelino Rivera Rarís.

En Padrón, sendo as dez horas do día dezaoito de febreiro do dous mil dezaseis, reúnense en primeira convocatoria e baixo a Presidencia do señor Alcalde don Antonio Fernández Angueira, as Concelleiras e os Concelleiros que se relacionan na cabeceira, en total os trece que de derecho componen a Corporación, ao obxecto de realizar a sesión extraordinaria convocada en forma legal.

Comprobada a existencia de quórum suficiente para a válida constitución do Pleno da Corporación, o Presidente declara aberta a sesión pasándose a examinar os asuntos comprendidos na Orde do día da convocatoria que é o seguinte:

1.- MOCIÓN PRESENTADA POR PGD, PSG-PSOE, VECIÑOS DE PADRÓN, AXP, BNG E CIPA SOBRE A MODIFICACIÓN DO REGULAMENTO ORGÁNICO MUNICIPAL.

Pola señora Rey Pazos dase lectura á seguinte moción presentada conxuntamente polos grupos PGD, PSdeG-

PSOE, Veciños de Padrón, AxP, BNG e CIPa que foi ditaminada favorablemente pola Comisión Informativa C) de data 25 de xaneiro de 2016, que di:

<<EXPOSICIÓN DE MOTIVOS

O Pleno é o órgano supremo da Administración Local ademáis de ser o órgano de máxima representación política dos cidadáns. Entre os seus principais labores controla e fiscaliza os órganos de goberno municipais, aproba as ordenanzas, regulamentos e demáis disposicións de carácter xeral, así como o orzamento do Concello. É competente para elixir e destituir ao Alcalde.

Con todo, cando un partido político consegue a maioría suficiente para proceder á delegación, conforme a dereito, das competencias propias do Pleno recollidas no artigo 64 da Lei da Administración Local de Galicia na Xunta de Goberno Local, non dubida en facelo xa que así evita o control e fiscalización por parte do resto da corporación municipal nas cuestións delegadas.

Así na época na que gobernaba o PP con maioría absoluta aprobouse o Reglamento Orgánico Municipal que establece no seu artigo 14 dita delegación: "O Pleno e o alcalde poden efectuar delegacións a prol da comisión de goberno. En todo caso entenderanse delegadas polo Pleno a prol de dita comisión de goberno, as atribucións sinaladas no artigo 64.2, letras g), l) e n) da Lei de Administración Local de Galicia, ó amparo do establecido no artigo 64.4. Para a delegación destas atribucións do Pleno en favor da comisión de goberno requírrese acordo adoptado pola maioría do número legal de membros da corporación para a aprobación deste regulamento. Igualmente, o alcalde delega na comisión de goberno as atribucións que sinala o artigo 61 da citada Lei de Administración Local de Galicia, agás as de convocar e presidi-las sesións do Pleno e da Comisión de goberno, e as mencionada nas letras b), f), h), j) e k) do apartado 1 deste artigo, que son indelegables. Tamén pode o alcalde efectuar delegacións xenéricas ou específicas a prol de calquera dos concelleiros, ainda que non pertenzan á comisión de goberno."

Hoxe en día atopámonos ante o goberno dun partido en minoría e dun pleno moi plural que representa os cambios que se están ha producir na sociedade, por iso non debe ser un único partido quen poida tomar decisións en determinadas cuestións de importancia e que no seu orixe pertencen ao Pleno.

Entendemos que a recuperación dás competencias plenarias delegadas pasan por unha modificación do Reglamento Orgánico Municipal obsoleto en múltiples aspectos e que require, sen lugar a dúbida, unha actualización para axustarse á lexislación vixente e facilitar a súa consulta.


PROPOSTA

- Que se adopten as medidas necesarias para a actualización urgente do Reglamento Orgánico Municipal de conformidade coa lexislación vixente.
- Que as competencias delegadas en virtude do artigo 14 ROM de 1998 á Xunta de Goberno Local (Comisión de Goberno) volvan a pertenecer ao Pleno da Corporación.>>

Aberta a quenda de debate prodúcense as seguintes intervencións de xeito resumido:

Sra. Rey Pazos. Explica que presentan esta moción porque entenden que o pleno é o órgano de máxima representación, cunhas competencias dadas por lei, se ben é certo que algunas poden ser delegadas na Xunta de Goberno Local como é neste caso. Que isto se fai cando se ten unha maioría absoluta porque é unha forma de valeirar o pleno de competencias, polo que entenden que, ante un goberno que está en minoría cunha corporación tan plural, esas competencias deben de voltar ao pleno e por iso nesta moción solicitan unha actualización do ROM.

Sr. Rodríguez Carbia. Cree que este pleno sobraba se houbese vontade para rematar os puntos que estaban na orde do día da sesión ordinaria. Que por iso houbo que recurrir a esta convocatoria asinada por case todos os grupos. Insiste que se evitaría si naquel momento houbese certa disposición para rematar, como xa antes se ten feito, despois das doce da noite.



Padrón

Concello de Padrón
CIF P1506600D
Rúa Longa, 27
15900 Padrón, A Coruña
correo@padron.gal
www.concellodepadron.es
Tfl: 981 81 04 51
Fax: 981 81 15 50


Sr. Alcalde. Dille que trate o asunto da orde do día.

Sr. Rodríguez Carbia. Ratifícase no dito pola señora Rey Pazos e di que nesas competencias que están delegadas na Xunta de Goberno Local se encuentran as de contratar obras, servizos e abastecementos, no caso de que a súa contía exceda da que lle está permitida ao Alcalde na Xunta de Goberno Local, concertar operacións de crédito cando excedan do 5% dos recursos ordinarios do orzamento, exercitar accións administrativas e xudiciais, actos de disposición sobre os bens, adquisición, transacción, alleamento e cesión gratuita, a concesión e o arrendamento en cesión de uso, regulación e aproveitamento dos bens comunais e a cesión de calquera título. Que hai unha tarefa prioritaria que ten o goberno municipal que é regularizar o Inventario de Bens municipais e é precisamente unha das competencias que ten asumida a Alcaldía que é unha competencia de pleno. Que hai unha función primordial do pleno que é a de control e fiscalización dos órganos de goberno e a devolución das competencias ao pleno implica iso que os concelleiros teñan un elemento máis dese control e fiscalización dos órganos de goberno. Que ten a súa importancia porque os representantes das diferentes forzas políticas o que queren é exercer a súa función.

Sr. Santaló Ríos. Repite que son competencias do pleno e teñen que volver. Recorda que é unha moción semellante a unha que xa presentou no seu momento o seu grupo e que non prosperou. Que están de acordo porque o sentido é o mesmo e se trata dun maior control e fiscalización sobre todo en canto á contratación, porque non está de acordo cos procedementos que se siguen.

Sr. Rodríguez Conde. Reitera todo o dito ata o de agora e pregunta como xa dixo na comisión informativa se a secretaría vai a facer algún tipo de informe.

Sr. Alcalde. Explica que unha vez que se aprueba esta moción, procederáse primeiro a adecuar o regulamento ao establecido por lei, a facer unha proposta, a darles traslado desa proposta e despois, aprobando un novo regulamento, terá que ser publicado, facer unha aprobación provisional e senón hai alegacións a unha aprobación definitiva. Que hai un prazo de alegacións formal, pero antes cando se teña o borrador feito lles dará traslado a todos os concelleiros.

 Sr. Forján Seoane. Di que está todo manifestado e está claro que o grupo de goberno dispón de cinco representantes dun total de trece e esos cinco representantes deberán someterse a vontade dos trece.

Sr. Alcalde. Di que lle parece lóxico e que lle parece unha moción moi ben pensada e que o goberno anterior tamén tivo unha oportunidade magnífica porque tamén gobernaba en minoría. Que en canto ao do inventario que dixo o señor Rodríguez Carbia, comentállas que esta semana se comunicou por parte da Deputación Provincial que ían actualizar o inventario municipal de forma totalmente gratuita.

Sra. Rey Pazos. Pregunta se lle pode dar un prazo aproximado de cando podería estar feito ese borrador do ROM.

Sr. Alcalde. Pregunta á señora secretaria.

Sra. Secretaria. Contesta que depende das tarefas que se lle den.

Non habendo máis intervencións, o Presidente somete o asunto a votación ordinaria, producíndose o seguinte resultado:

VOTOS A FAVOR: Oito (8), emitidos polos concelleiros do PGD, señores Rodríguez Conde e Guillán Iglesias, polos concelleiros do PSdeG-PSOE, señores Forján Seoane e Piñeiro Otero, pola concelleira de Veciños de Padrón, señora Rey Pazos, polo concelleiro de AxP, señor González Pardal, polo concelleiro do BNG, señor Santaló Ríos e polo concelleiro da CIPa, señor Rodríguez Carbia.

VOTOS EN CONTRA: Ningún.

ABSTENCIÓNS: Cinco (5), emitidas pola concelleira e polos concelleiros do PP, señora Couso Dopazo e señores Fernández Angueira, Pardo Andrade, Sanmarco Santos e García Dios.

Verificado o cómputo da votación, o Pleno da Corporación adopta, por mayoría, o seguinte acordo:

- Que se adopten as medidas necesarias para a actualización urxente do Regulamento Orgánico Municipal de conformidade coa lexislación vixente.
- Que as competencias delegadas en virtude do artigo 14 ROM de 1998 á Xunta de Goberno Local (Comisión de Goberno) volvan a pertenecer ao Pleno da Corporación.

2.- MOCIÓN PRESENTADA POR PGD SOBRE AS PARADAS DO AUTOBÚS ESCOLAR.

Polo señor Rodríguez Conde dase lectura á seguinte moción presentada polo seu grupo e que foi ditaminada favorablemente pola Comisión Informativa C) de data 25 de xaneiro de 2016, que di:

<<EXPOSICIÓN DE MOTIVOS

O transporte de escolares presenta, dentro do conxunto do transporte de viaxeiros, unha especial relevancia dada a singularidade dos seus usuarios e usuarias. A atención que este modo de transporte presta aos nosos menores require que se intensifiquen as garantías da súa prestación, fundamentalmente en materia da súa seguridade. A instalación de marquesinas pode ser considerada como un método de seguridade entre outras ventaxes.

A instalación de ditas marquerinas en todas aquellas paradas de autobús en zonas rurais que sexan de regular recollida de viaxeiros, tanto de aqueles que correspondan a liñas regulares como aqueles que pertencen ao transporte escolar. Así dende este grupo entendemos e despois de visitar varias paradas de recollida de bus escolar a petición dos pais e nais de nenos e nenas que utilizan dito servizo, entendemos que é imprescindible e urxente a instalación de marquesinas nestes puntos co fin de que estos poidan servir de protección e refuxo non so frente ao sol en épocas estivais senón e como punto principal para guarecer aos usuarios servindo como refuxo e protección ante a chuvia e vento, e tamén consideramos que sirva como protección en seguridade vial ante a proximidade de vias de paso de vehículos.

Queremos lembrar a esta administración que estas marquesinas deben formar parte do mobiliario público, que en todo caso caracterizásense por ser espazos públicos e multifuncionais, de uso social e colectivo, sendo ademáis que nalgunha parada de bus escolar coicida con parada de bus de pasaxeiros convencional.

Noutros puntos non coinciden e esta moción vai dirixida a estes puntos sin desconsiderar onde coincidan bus escolar co de pasaxeiros de cara ao mantemento e conservación de ditas marquesinas.

ACORDO A ADOPTAR

- Que se estudie por parte do Goberno Municipal do PP, tódalas paradas de autobús escolar do noso Concello comprobando para priorizar a instalación de ditas marquesinas, o número de usuarios actuais e futuribles, facilidade na localización dos terreos para a colocación, etc; o que consideren dende os servizos competentes na materia municipais.
- Que se dote dunha partida orzamentaria nos próximos orzamentos para ir pouco a pouco dotando todas as paradas de bus escolar de marquerinas. Ou se proceda a falar ca Consellería competente na materia para que facilite ditas marquesinas como se fai noutros Concellos.>>

Aberta a quenda de debate prodúcense as seguintes intervencións de xeito resumido:

Sr. Rodríguez Conde. Explica que decidiron presentar esta moción a consecuencia de que os pais e nais da parada de Lamas lle comunican que, sobre todo nestes días de temporal, non teñen ningún sitio para resguardar os nenos mentres esperan o autobús escolar. Que igualmente foi comunicado por pais e nais do casco urbano. Pídense que se valoren todas as paradas en conxunto e se prioricen e se doten as partidas orzamentarias necesarias para adecuállas pouco a pouco ou se fale con outras administracións para que as financien.



Padrón

Concello de Padrón

CIF P1506600D

Rúa Longa, 27

15900 Padrón, A Coruña

correo@padron.gal

www.concellodepadrón.es

Tfl: 981 81 04 51

Fax: 981 81 15 50

Sr. Alcalde. Entende que fala das marquesinas porque a ubicación das paradas depende da Consellería de Educación. Que dende o goberno estase estudiando o tema das marquesinas, de feito as prioritarias non só é Lamas, senón que na zona da Esclavitude fronte onde está Castaño Bascos, que tamén na Porta do Fondo de Vila. Que sempre dentro das competencias do Concello.

Sr. Rodríguez Conde. Di que, por exemplo, en Lamas hai parada pero non hai habitáculo, que os rapaces esperan debaixo dunha casa.

Sr. Pardo Andrade. Comenta que na Esclavitude non se pode facer porque non o permite a Demarcación de Carreteras.

Sr. Rodríguez Carbia. Di que o tema das marquesiñas non depende da Consellería de Educación.

Sr. Alcalde. Contesta que o das marquesinas non, pero o das paradas si. Que xa o dixo antes.

Sr. Rodríguez Carbia. Di que en principio é unha competencia da AMPA, do centro e do Concello. Que a Consellería non vai financiar nunca a colocación de marquesiñas, que é unha cousa do Concello ou da Deputación. Que é certo que existe un déficit nestes momentos de marquesiñas, non só en Lamas senón en moitos puntos e a de Iria Flavia xa se pediu en varias ocasións incluso un paso de peóns, porque hai un problema de circulación ao ter que ir os rapaces pola beiraría da estrada cun tráfico intenso. Que vai a apoiar a moción porque xa en varias ocasións solicitou a toma de medidas e hai que buscarlle unha solución, non pasar o día do pleno e esquecemos do problema.

Sr. Forján Seoane. Di que se falou da proxección de alumnado que vai haber nas paradas para priorizar aquellas marquesiñas que hai que colocar e o señor alcalde dixo que dependía da Xunta, pero non depende da Xunta.

Sr. Alcalde. Dille que están cambiando as súas palabras. Que el non dixo iso, senón que a ubicación da parada depende da Xunta. Que non os entende.

Sr. Forján Seoane. Aclara que a parada de Iria non existe. Que había unha que estaba en plena curva e retirouse precisamente porque os alumnos estaban a dous metros da estrada nunha curva. Que hai un regueiro, o de Abelendas, que se podería acondicionar cun paseo fluvial para evitar a estrada ou facilitar a saída para colocar a marquesiña. Que na avenida de Pontecesures tampouco hai marquesiña e é unha das demandadas onde tamén se solicitou un paso de peóns. Que hai que facer un estudo xeral e dependendo das necesidades, tamén as futuras, facer as actuacións.

Sr. Pardo Andrade. Explica o que pasou co da Esclavitude e di que o propietario da vivenda onde se abrigan os nenos dixo que non os quería ali e pediu autorización a Fomento para facela fronte Castaño Bascos, por onde pasa o Camiño Portugués, para poñer a marquesiña e facer unha senda polo paso de peregrinos e que foran ao paso de peóns. Que a denegaron porque está en previsión facer unha rotonda ali. Que en canto ao que fala o señor Forján Seoane de Iria dille que están facendo o proxecto, tal e como quedaran, e xa teñen as autorizaciós todas, dado que nun momento fora denegado por Augas de Galicia. Que se tiña solicitado tamén onde está a carpintería Bentrón, porque ali os rapaces teñen o mesmo problema, pero se encontraron co problema dos terreos porque non se sabía moi ben de quen era: si de Bentrón que non os tiña cedido, si de Fomento.

Sr. Forján Seoane. Di que falando de onde está Bentrón, mitigouse en parte coa colocacións dous semáforos e esa situación tamén se dá noutros lugares.

Sr. Rodríguez Carbia. Espera que a declaración do señor Pardo Andrade servira non só como unha declaración de intencións senón como un compromiso de solventar canto antes esta situación. Insiste que nalgúns puntos é unha cuestión de seguridade viaria para rapaces.

Sr. Pardo Andrade. Di que fala dunha intención, dado que el pode facer o proxecto pero despois hai que ter cartos para executalo. Que haberá que esperar a un POS ou un PAS e despois aprobalo, de nada vale que

faga un proxecto se despois chega ao pleno e dánlle para atrás.

Sr. Rodríguez Carbia. Aclara que el di que procuren axilizar os permisos.

Sr. Pardo Andrade. Contesta que este tenos todos.

Sr. Rodríguez Carbia. Di que si están os permisos e as autorizacións concedidas entón deberán aprobar un orzamento e espera que o presenten canto antes á Corporación.

Non habendo máis intervencións, o Presidente somete a proposta a votación ordinaria, resultando aprobada por unanimidade das concelleiras e dos concelleiros presentes, polo que o Pleno da Corporación adopta o seguinte acordo:

- Que se estudie por parte do Goberno Municipal do PP, tódalas paradas de autobús escolar do noso Concello comprobando para priorizar a instalación de ditas marquesinas, o número de usuarios actuais e futuribles, facilidade na localización dos terreos para a colocación, etc; o que consideren dende os servizos competentes na materia municipais.
- Que se dote dunha partida orzamentaria nos próximos orzamentos para ir pouco a pouco dotando todas as paradas de bus escolar de marquerinas. Ou se proceda a falar ca Consellería competente na materia para que facilite ditas marquesinas como se fai noutras Concellos.>>

3.- MOCIÓN PRESENTADA POR PGD, PSG-PSOE, AXP E CIPA SOBRE A ENTREGA DAS ACTAS DAS SESIÓNS DA XUNTA DE GOBERNO LOCAL NO PRAZO LEGALMENTE ESTABLECIDO.

Polo señor Rodríguez Conde dase lectura á seguinte moción presentada conjuntamente polos grupos PGD, PSdeG-PSOE, AxP e CIPa que foi ditaminada favorablemente pola Comisión Informativa C) de data 25 de xaneiro de 2016, que di:

<<EXPOSICIÓN DE MOTIVOS

O artigo 113 b do ROF (RD 2568/1986, de 28 de novembro polo que se aproba o Regulamento de Organización e Funcionamento e Réxime Xurídico das Entidades Locais), di que “as sesiós da comisión de goberno non serán públicas, sen prexuízo da publicidade e comunicación ás Administracións Estatal e Autonómica dos acordos adoptados. Ademais, no prazo de dez días hábiles deberá enviarse a tódolos membros da Corporación copia da acta”.

Pois ben dende que comezou o actual mandato 2015/19 as copias das actas das xuntas de goberno local estánsenos a entregar con bastante retraso. Impedíndonos coñecelos acordos adoptados en tempo e prazo. Acordos que moitas veces algúns veciños xa coñecen e nos transmiten antes de que nos teñamos coñecemento por non dispor da copia das actas.

Sirva como exemplos que en data 18 de novembro se nos remitiron dúas actas das sesións da xunta de goberno local celebradas o 2 de outubro e o 22 de outubro e o 21 de decembro do ano pasado se nos remitiron por email tres actas das sesións da xunta de goberno local que se celebraron entre o 5 de novembro e o tres de decembro por mor de todo o exposto PROPOÑEMOS o seguinte ACORDO DE RESOLUCIÓN:

a.- Que se nos entreguen copia das actas das sesións da xunta de goberno local no prazo legalmente establecido.

b.- Que xunto coa remisión da acta se nos achegue tamén copia da orde do día das citadas sesións para localizar mellor os asuntos tratados e recollidos nas actas das sesións.>>

Aberta a quenda de debate prodúcense as seguintes intervencións de xeito resumido:

Sr. Rodríguez Conde. Explica que queren tamén a orde do día das sesións para que poidan localizar mellor



Padrón

Concello de Padrón

CIF P1506600D

Rúa Longa, 27

15900 Padrón, A Coruña

correo@padron.gal

www.concellodepadrón.es

Tfl: 981 81 04 51

Fax: 981 81 15 50

e o antes posible o punto que lles interesa.

Non habendo máis intervencións, o Presidente somete a proposta a votación ordinaria, resultando aprobada por unanimidade das concelleiras e dos concelleiros presentes, polo que o Pleno da Corporación adopta o seguinte acordo:

- a.- Que se nos entreguen copia das actas das sesións da xunta de goberno local no prazo legalmente establecido.
- b.- Que xunto coa remisión da acta se nos achegue tamén copia da orde do día das citadas sesións para localizar mellor os asuntos tratados e recollidos nas actas das sesións.

4.- MOCIÓN PRESENTADA POR PSG-PSOE SOBRE A FALLA DE MANTEMENTO DAS INSTALACIÓNS E RECINTO DEPORTIVO DE EXTRAMUNDI.

Polo señor Forján Seoane dase lectura á seguinte moción presentada polo seu grupo e que foi ditaminada favorablemente pola Comisión Informativa C) de data 25 de xaneiro de 2016, que di:

<<Exposición de motivos

O 18.12.15 tivo entrada no concello, por rexistro, unha queixa sobre o estado das instalacións deportivas de Extramundi, Campo de Fútbol.

O citado recinto deportivo presenta, entre outras deficiencias:

- 1.- Un terreo de xogo con herba artificial en lamentable estado, por falla de mantemento.
- 2.- As liñas azuis, que delimitan o terreo de xogo son praticamente invisibles, polo que a celebración de partidos nese campo podería suspenderse.
- 3.- Elementos, como porterías, con deficiencias que poderían causar un accidente, e impedir a práctica deportiva por falla de mantemento.
- 4.- As vallas perimetrais de seguridade das gradas presentan defectos, pola falla dalgún tramo das mesmas, tanto na parte superior como inferior das gradas.
- 5.- Vestiarios.

Estas son algunas das queixas que presentaron, por rexistro, no concello e que comprobamos persoalmente nas instalacións, para o que aportamos fotografías que acreditan esas deficiencias que poderían ser motivo de suspensión de partidos de fútbol nese campo.

Polo exposto, o GRUPO MUNICIPAL SOCIALISTA, presenta ó Pleno a seguinte PROPOSTA DE ACORDO:

- 1.- Pintado e acondicionamento, urxente, do terreo de xogo do campo de fútbol de Extramundi.
- 2.- Reparación de porterías, vallas e outros elementos do recinto deportivo.
- 3.- Mellora, acondicionamento e mantemento dos vestiarios...>>

Aberta a quenda de debate prodúcense as seguintes intervencións de xeito resumido:

Sr. Forján Seoane. Explica que personado no lugar veu que era certo que as liñas azuis praticamente non existen, unha portería desmóntase tan só con tocalá, en parte da valla están sen poñer os traveseiros que faltaban e en canto aos vestiarios xa no pleno anterior o voceiro de AxP fixo un detallado estado dos vestiarios e son conscientes de que esa construción ten un problema de auga desde o seu nacemento pero iso non impide que periodicamente se lle fagan tarefas de mantemento. Que a moción a presentaron o 19 de xaneiro e xa pasou un mes e gustaríalle saber se arranxaron as deficiencias e o campo está en condicións de practicar

deporte porque cree que nos 5 anos deste goberno á herba dese campo nunca se lle tocou.

Sr. Sanmarco Santos. Di que si se fixo o mantemento: deúselle unha man de pintura ao campo xusto despois do pleno anterior e non se lle puido dar a outra man polo mal tempo que está; o tema das varandas está arranxado; e a portería, avisaron un martes, e ao luns seguinte estaba arranxada; no tema dos vestiarios estase arranxando todo pouco a pouco. Que tamén se está arranxando o campo de Pazos e, en principio, estanse facendo todas as obras que se solicitaron. Que no tema da grada solicitouse unha subvención para intentar impermeabilizala un pouco pero que xa será cara o verán.

Sr. González Pardal. Di que na comisión informativa e no pleno quedaron de pasar un orzamento detallado das obras que se ían a facer e a día de hoxe non o teñen.

Sra. Rey Pazos. Reitera que hai que planificar as cousas, saber cales son as deficiencias que teñen as instalacións e facer un plan de mantemento e cree que neste Concello non existe e vanse parcheando as cousas.

Sr. Rodríguez Carbia. Di que lle chama a atención o dito polo señor Sanmarco Santos de que arranjan o problema no mesmo momento no que se produce e non é así porque este problema veu a raíz dunha moción que se presentou. Entende que debería de haber máis control sobre este tipo de instalacións onde os rapaces pequenos están practicando deporte, polo risco que supón que se poida producir un accidente nunha instalación deportiva e se vexan sorprendidos cun tema de responsabilidade subsidiaria. Que no multiusos de Extramundi hai unha persoa encargada e pouco traballo costa que esa persoa llo comunique ao concelleiro antes de que se presente unha proposta ao pleno, porque dá a sensación de que van a remolque do que se presenta. Que ao mellor non é así pero parece.

Sr. Sanmarco Santos. Aclara que en canto á portería, cando avisaron o martes, o mércores desmontouse e volveuse a soldar. Que en canto ao pintado do campo, xa estaban solicitados os orzamentos pero esperouse a que viñera o bo tempo. Que os temas graves arránxanse no momento.

Sr. Rodríguez Carbia. Di que tamén hai un problema de salubridade nos vestiarios porque non reúnen as condicións hixiénicas para que rapaces de curta idade puideran Ducharse e cambiarse despois de facer deporte. Que ese é un tema preocupante e a responsabilidade é do Concello.

Sr. Santaló Ríos. Recorda que asunto do campo de fútbol de Extramundi xa ten visto ao pleno en varias ocasións por defectos de nacemento e de construcción. Que son cuestións que non se poden solventar todas de golpe, pero as cuestións de seguridade que teñan que vir a pleno, cree que iso si é responsabilidade do goberno polas consecuencias que poden ter.


Sr. Rodríguez Conde. Parte da base de que as instalacións deixan moito que desexar dende o seu inicio, pero ve que tamén hai unha falta de mantemento, sobre todo habendo un responsable que transmita esa falta de mantemento ao concelleiro. Pon o exemplo de que estivo alí xogando e hai oito saídas de ducha, pero só unha recollida duns dous ou tres centímetros e ao minuto de empezar a Ducharse atascouse porque non daba abasto e observaron que o tubo tapouse e grazas a un compaño que o desatascou e iso é por falta de mantemento diario.

Sr. Sanmarco Santos. Pide ao señor Rodríguez Conde que non escache.

Sr. Rodríguez Conde. Di que está contando unha anécdota que lle pasou e que el non escacha senón que di a verdade.

Non habendo máis intervencións, o Presidente somete o asunto a votación ordinaria, producíndose o seguinte resultado:

VOTOS A FAVOR: Oito (8), emitidos polos concelleiros do PGD, señores Rodríguez Conde e Guillán Iglesias, polos concelleiros do PSdeG-PSOE, señores Forján Seoane e Piñeiro Otero, pola concelleira de Veciños de Padrón, señora Rey Pazos, polo concelleiro de AxP, señor González Pardal, polo concelleiro do BNG, señor



Padrón

Concello de Padrón

CIF P1506600D

Rúa Longa, 27

15900 Padrón, A Coruña

correo@padron.gal

www.concellodepadrón.es

Tfl: 981 81 04 51

Fax: 981 81 15 50

Santaló Ríos e polo concelleiro da CIPa, señor Rodríguez Carbia.

VOTOS EN CONTRA: Ningún.

ABSTENCIÓNS: Cinco (5), emitidas pola concelleira e polos concelleiros do PP, señora Couso Dopazo e señores Fernández Angueira, Pardo Andrade, Sanmarco Santos e García Dios.

Verificado o cómputo da votación, o Pleno da Corporación adopta, por maioria, o seguinte acordo:

- 1.- Pintado e acondicionamento, urxente, do terreo de xogo do campo de fútbol de Extramundi.
- 2.- Reparación de porterías, vallas e outros elementos do recinto deportivo.
- 3.- Mellora, acondicionamento e mantemento dos vestiarios...

5.- MOCIÓN PRESENTADA POR AXP SOBRE AS VALLAS PUBLICITARIAS NO CAMPO DE O SOUTO.

Polo señor González Pardal dase lectura á seguinte moción presentada polo seu grupo e que foi ditaminada favorablemente pola Comisión Informativa C) de data 25 de xaneiro de 2016, que di:

<<Expón

-Que o campo de fútbol de O Souto (campo do Flavia) consta no inventario de propiedades do Concello de Padrón.

-Que esas instalacións son empregadas por unha entidade deportiva coa que, segundo o Concelleiro de Deportes Andrés Sanmarco, non existe ningún tipo de convenio de colaboración escrito no que se regulen e establezan as funcións de ambas partes nin o uso.

-Que nesas instalacións deportivas están ubicadas alo menos 10 vallas publicitarias nas que se poden ver anuncios e publicidade de diferentes entidades/empresas e/ou produtos.

-Que esas vallas pertencen a empresas privadas que cobran ás empresas anunciantes por ter expostos os seus anuncios e publicidade nunha instalación que non lle pertence.

-Que segundo informacions do Concello de Padrón, a administración local non está a percibir nin percibiu ningunha cuantía económica por esa actividade que, en instalacións xestionadas polo concello, están a levar a cabo esas entidades privadas. Nin o concello ten ningún contrato nin acordo escrito coas empresas que colocan ahí as súas vallas para o seu posterior alquiler.

-Que o importe económico ao que pode ascender o alquiler dunha valla coma as instaladas no campo de O Souto multiplicado polas dez vallas existentes na actualidade supoñen unha cuantía económica interesante que o concello está deixando de ingresar.

Considerando estes e outros aspectos a cerca da xestión municipal no tocante á colocación, uso e desaproveitamento económico desas vallas publicitarias Alternativa x Padrón propón estudar e debater este asunto no vindeiro pleno ordinario do día 28 de xaneiro, polo que presenta a seguinte

MOCIÓN

-Que o Concello de Padrón explique ao pleno a situación relativa a esas vallas publicitarias e porqué non se regulou na lexislatura anterior.

-Que o Concello de Padrón regule a situación de uso e xestión coas entidades que dispoñen de vallas publicitarias nesa instalación deportiva a través dun convenio ou contrato escrito no que se establezan as obrigas e dereitos de ambas partes. E non deixe a expensas da entidade deportiva esta actuación que nada ten que ver coa actividade deportiva que lle compete.

-Que o Concello de Padrón teña a ben considerar a posibilidade de aproveitamento económico, sendo posible, pola instalación de produtos de entidades privadas nesa instalación.>>

Aberta a quenda de debate prodúcense as seguintes intervencións de xeito resumido:

Sr. Alcalde. Comenta que tal e como se di na moción é así. Que non atoparon ningún convenio por escrito no Concello. Que as vallas están cedidas de feito ao Flavia desde tempo inmemorial pero tamén despois o Flavia fai unha serie de cousas que tería que facer o Concello. Que con respecto a estas vallas do Flavia é igual con respecto ao resto dos campos. Que noutras concellos a publicidade ponse no momento do partido e retirase ao finalizar e aquí está de forma permanente. Que consultado coa secretaría xurídica non hai posibilidade de facer un convenio de regulación deste tipo e en todo caso o que habería é que retiralas e o mesmo con respecto á posibilidade de aproveitamento económico.

Sr. González Pardal. Explica que noutras instalacións deportivas teñen coñecemento que as vallas as explotan directamente as entidades deportivas e neste caso teñen coñecemento que hai unha empresa que ten instaladas as vallas nun campo municipal e que está gañando uns cartos por esa instalación.

Sr. Alcalde. Di que a situación é a mesma: que a entidade cobre a todos os anunciantes ou que lle cobre a unha empresa que despois lle cobra aos anunciantes.

Sr. González Pardal. Contesta que non porque aquí hai unha empresa gañando cartos a conta dunha instalación municipal. Que non sabe quen está cobrando esos cartos e si esos cartos se reinvirten na instalación municipal. Que pediron un orzamento á empresa que ten instaladas varias vallas alí e lles cobraba por un anuncio case 500 euros ao mes, que multiplicado por 10 vallas son 5.000 euros ao mes.

Sr. Alcalde. Di que non hai unha soa empresa senón que hai varias e diferentes tipos de vallas.

Sr. González Pardal. Contesta que se está referindo a unha empresa que ten alí unha valla que se chama Porto Valla e lles deu ese orzamento. Que fagan o cálculo por dez anos e miren o que se están perdendo por parte do Concello. Que lle parece ben que unha entidade deportiva cobre esos cartos, pero o que pide é que se regularice esa situación. Que se podería facer un convenio de cesión de instalacións a unha entidade deportiva como pasa co campo de fútbol da Esclavitude ou do Sar. Que non é prexudicar a ningunén senón que é unha situación que se ven dando dende fai anos e hai que buscar unha forma de solucionalo.

Sr. Pardo Andrade. Dille que non entende o de cesión.

Sr. González Pardal. Explica que non sabe se por parte do Concello se pode ceder a unha entidade deportiva para que faga uso das instalacións e o mantemento entende que debe pertencer ao Concello.

Sr. Pardo Andrade. Contesta que non hai ningunha cesión. Que o campo do Pazos é dos veciños de Pazos porque é Monte veciñal en man común e está cedido dos veciños ao Concello por trinta anos e igual pasa co do Sar e pasados os trinta anos volve revertir aos veciños. Que non son municipais.

Sr. Forján Seoane. Replica que non é así, que é titularidade do Concello.

Sr. González Pardal. Di que o campo do Flavia está no Inventario de bens do Concello polo que a titularidade é municipal e o antigo campo de fútbol de Esclavitude tamén é de titularidade municipal. Pregunta á señora Secretaria se hai posibilidade de facer un convenio de cesión das instalacións á entidade deportiva que esté no campo. Entende que hai que buscar unha forma xurídica de facelo porque hai unha empresa que está gañando cartos sen pagar ningunha taxa.

Sr. Alcalde. Píde á señora Secretaria que o explique.

Sra. Secretaria. Contesta que as instalacións deportivas si se poden ceder a entidades sen ánimo de lucro coa tramitación do expediente correspondente. Que o problema das vallas é diferente porque é a utilización do dominio público para a colocación de vallas e iso require un regulamento que regule o como e cando e



Padrón

Concello de Padrón

CIF P1506600D

Rúa Longa, 27

15900 Padrón, A Coruña

correo@padron.gal

www.concellodepadrón.es

Tfl: 981 81 04 51

Fax: 981 81 15 50

unha ordenanza fiscal que estableza unha taxa ou prezo público segundo corresponda. Que aparte está o tema de si se poden ou non se poden colocar as vallas porque a súa instalación require licenza ou ben comunicación previa e esa zona, en concreto, está afectada por Patrimonio e, adiantándose ao que pode ser o resultado, cree que aí nunca se poderían autorizar vallas.

Sr. González Pardal. Pregunta si se está ante unha ilegalidade.

Sra. Secretaria. Entende que si.

Sr. González Pardal. Pide que se solucione esa ilegalidade.

Sr. Alcalde. Di que se soluciona sacando as vallas, que si se aproba a moción habrá que coller a rebarbadora e sacar as vallas.

Sr. Forján Seoane. Pregunta que ocorre senón se aproba a moción. Entende que deberían fazer o mesmo.

Sr. González Pardal. Di que o que lle preocupa é que as entidades deportivas non teñan un uso das instalacións, que se regule, e en canto ao tema das vallas lle preocupa que unha entidade privada esté gañando cartos sen pagar unha taxa. Entende que é igual que os aeroxeneradores que están no Monte de Meda que están pagando unha taxa ou un canon. Pregunta quen é o responsable se un domingo cae algunha das vallas enriba de vinte ou trinta persoas, o Flavia ou o Concello.

Sra. Secretaria. Contesta, co permiso do señor Presidente, que entende que ambos.

Sr. González Pardal. Reitera que están dicindo que non hai ningún documento.

Sr. Alcalde. Puntualiza que non dixeron que non o haxa senón que non lles consta nas oficinas municipais e que llo pediron ao Flavia e tampouco o teñen.

Sr. González Pardal. Di que así llo contestaron por escrito pero dado que se está nunha ilegalidade desde hai moi tempo pregunta por que non se solucionan as cousas.

Sr. Pardo Andrade. Comenta que as vallas as puxo o Flavia e non o Concello.

Sr. Rodríguez Carbia. Di que o documento de cesión das instalacións deportivas existe e está no arquivo municipal. Que hai un convenio de cesión por parte do Concello ao Flavia SD, e aínda pode dicir quen estaba de presidente da entidade deportiva. Que nun terreo de dominio público municipal instálanse unhas vallas que, supostamente, deberían contar con licenza municipal, e o goberno está dicindo que non consta e non a explota unha entidade deportiva senón unha empresa que está cobrando. Dille ao señor alcalde que na pasada campaña electoral nunha das vallas colocou unha foto súa e con iso contribuiu a unha situación de ilegalidade pagando unha valla publicitaria en campaña electoral. Que non pagan taxa nin teñen licenza municipal e é un tema de legalizar pero senón se pode pois non se pode. Que non é un problema de non solicitar licenza e non pagar taxa senón que é un problema de responsabilidade subsidiaria por parte do Concello.

Sr. Alcalde. Contesta que entón terán que fazer o mesmo co aparcamiento de coches alí, si arde un coche por exemplo.

Sr. González Pardal. Di que non so alí senón nos outros aparcamentos tamén.

Sr. Alcalde. Aclara que fala dos terreos de titularidade municipal.

Sr. Rodríguez Carbia. Di que na próxima campaña electoral colocarán vallas no Paseo do Espolón porque non pasa nada.

Sr. Santaló Ríos. Entende que se trata dunha situación de alegalidade e que é necesario regularizar, pero lle parece más grave a opacidade na xestión deses fondos. Que o Concello debería saber cales son as cantidades que se están recaudando e o destino deses fondos que deberían ser patrimonio municipal.

Sr. Rodríguez Conde. Di que, analizando todo o dito ata aquí: o goberno di que non hai documentos, o señor Rodríguez Carbia di que si, a señora secretaria di que estamos nunha situación ilegal, pide que se tomen medidas xa e actúen.

Sra. Rey Pazos. Pensaba, ao principio, que se debería valorar si compensaba que o explotara directamente o Concello ou se compensaba que fora un terceiro, é dicir, valorar o que fai o Flavia e canto lle costa e se realmente lle compensa ao Concello pagarlle coas vallas ou non; pero agora ao decir que é unha situación que non se pode manter considera que hai que legalizar a situación. Entende que a lei é complicada e non se adecúa a todas as circunstancias pero neste caso é unha ilegalidade e hai que regularizar a situación.

Sr. Forján Seoane. Di que a situación lles quedou clara a todos. Que o señor alcalde insinuou que os cartos que recibe o Flavia pola instalación das vallas que os investían en mantemento das instalacións, pero a herba cando hai que repoñela faino o Concello, o mantemento da herba o Concello, o tratamento da herba o Concello e cando hai problemas de fontanería o Concello. Que lle gustaría saber en que se basea o señor Alcalde ao decir que se invisten en mantemento das instalacións e se as facturas que se emiten polas vallas son con IVE ou non.

Sr. Pardo Andrade. Pregunta quen corta a herba do Flavia, quen o pinta, de quen é o cortacéspedes. Que non é do Concello senón do Flavia, que algo fan.

Sr. Piñeiro Otero. Di que o pintado das liñas do campo non é un traballo de mantemento, que leva dez minutos.

Sr. Pardo Andrade. Replica que o terá que facer alguén.

Sr. González Pardal. Cree que este debate poderíase solucionar se houbera un convenio de uso das instalacións por parte do Concello coas entidades deportivas no que se diga de que se vai encargar cada parte. Que se fale con eles e se faga un convenio. Que o que se pide nesta moción é que se regularice a situación. Que non se trata de prexudicar a ninguén senón buscar unha forma de solucionar as cousas.

Sra. Rey Pazos. Quere que se lle diga se o que se vai votar é que se faga un convenio sobre as vallas, xa que tal como se explicou aquí non se pode facer porque é ilegal.

Sr. Alcalde. Lee a parte dispositiva da moción e pregunta se se refire ao campo do Flavia.

Sr. González Pardal. Explica que se está referindo ao campo do Flavia porque é o único do que ten constancia que hai unha empresa externa que xestion a vallas publicitarias e está gañando cartos.

Sra. Rey Pazos. Di que a señora secretaria acaba de dicir que non se pode facer ningún tipo de contrato ou convenio con esas vallas porque non cumplen coa legalidade.

Sr. González Pardal. Insiste que o Concello terá que regularizar a situación, ben sexa sacando as vallas ou facendo o que teña que facer.

Sr. Alcalde. Entende que si se vota a favor diso se podería estar votando unha ilegalidade e si se vota en contra tamén. Que cada un vote a decisión que vexa conveniente.

Sr. Santaló Ríos. Di que a moción pide que se regule mediante contrato.


Sr. Alcalde. Pregunta quen vai asinar ese contrato.

Sr. Forján Seoane. Di que non o vai asinar ninguén porque se vai informar negativamente.

Sr. González Pardal. Di que vai retirar a moción e presentala como debe de ser.

Sr. Alcalde. Pregunta á señora secretaria si se pode retirar a moción despois de tela debatida.

Sra. Secretaria. Contesta que si, pero hai que votar a retirada do punto da orde do día.



Padrón

Concello de Padrón

CIF P1506600D

Rúa Longa, 27

15900 Padrón, A Coruña

correo@padron.gal

www.concellodepadrón.es

Tfl: 981 81 04 51

Fax: 981 81 15 50

Sr. Guillán Iglesias. Quería saber, por parte da señora secretaria, en que parte estarían incurriendo en ilegalidade ao votar esta moción, porque lle parece unha broma de mal gusto por parte dalgúns membros do goberno que, xa que se destapou aquí unha ilegalidade moi dura porque se están enriquecendo empresas externas do erario público, en vez de tratar de legalizar e poñer isto ao día o tomen como un pitorreo. Que o primeiro que tiña que facer o concelleiro de deportes era destapar esta ilegalidade, porque unha empresa se está enriquecendo de algo que é de todos os padroneses e que tiña que ter xa denunciado. Insiste que explique a señora secretaria cal é a modificación que ten que facer o señor González Pardal na moción para que sexa correcta.

Sr. Alcalde. Dalle a palabra á señora secretaria.

Sra. Secretaria. Explica que a moción, tal e como está presentada, non é unha ilegalidade porque senón xa o tivera dito ao principio. Que deduce do texto da moción, intentando ser favorable a que os acordos se leven a cabo, que o que se pretende é que se regularice a situación cun convenio ou contrato. Que despois haberá que analizar si é posible un convenio, un contrato ou se non é posible ningunha das dúas cousas. Que isa é a interpretación que sacou da moción, con independencia de que a proposta más prudente sexa a de retirala. Que non quere decir que sexa completamente ilegal. Engade que a ilegalidade non depende de que alguén esté cobrando do erario público porque desde o Concello non se sabe quen está cobrando nin que, porque unha cousa é que as vallas podan estar colocadas, outra cousa é que se poida facer unha cesión de uso das instalacións e outra cousa é que alguén cobre por algo, que son cousas diferentes.

Sr. Piñeiro Otero. Replica que si se sabe porque o señor Alcalde contratou unha valla.

Sr. Alcalde. Contesta que o Alcalde non, o Partido Popular e que con respecto á pregunta de se as facturas levan IVE contesta que as facturas sempre levan IVE se son facturas senón non serían facturas.

Sr González Pardal. Volve dicir que, por prudencia, o debate está enriba da mesa e volverá a traela no próximo pleno. Que retira a moción.

Sra. Rey Pazos. Entende que non é necesario que o concelleiro traia unha nova moción, senón que o Concello agora sabe que hai unha situación de ilegalidade e supón que porá todos os seus medios para solventala.

Sr. Alcalde. Resposta que o Concello e no goberno do 2007 ao 2011, no 2011 ao 2015 e no que vai do 2015 a situación é a mesma.

Sr. González Pardal. Contesta que o seu grupo é a primeira vez que está nun órgano de goberno e denuncian unha situación que creen que é denunciable.

Sra. Rey Pazos. Dille ao señor Alcalde que o feito de que unha situación ilegal perdure no tempo non a fai legal. Que si a secretaria di que é ilegal non hai máis que falar.

Sr. Alcalde. Contesta que xa o sabe. Que é decisión do concelleiro traela ou non traela.

Non habendo máis intervencións, o señor Presidente somete a votación a proposta, formulada ao abeiro do previsto no artigo 92 do ROF, de retirar da orde do día a moción do grupo político municipal de AxP de data 20 de xaneiro do 2016, producíndose o seguinte resultado:

VOTOS A FAVOR: Oito (8), emitidos polos concelleiros do PGD, señores Rodríguez Conde e Guillán Iglesias, polos concelleiros do PSdeG-PSOE, señores Forján Seoane e Piñeiro Otero, pola concelleira de Veciños de Padrón, señora Rey Pazos, polo concelleiro de AxP, señor González Pardal, polo concelleiro do BNG, señor Santaló Ríos e polo concelleiro da CIPa, señor Rodríguez Carbia.

VOTOS EN CONTRA: Ningún.

ABSTENCIÓNS: Cinco (5), emitidas pola concelleira e polos concelleiros do PP, señora Couso Dopazo e señores Fernández Angueira, Pardo Andrade, Sanmarco Santos e García Dios.

Verificado o cómputo da votación, o Pleno da Corporación acorda, por mayoría, a retirada do asunto da orde do día.

6.- MOCIÓN PRESENTADA POR AXP SOBRE CAMPO DE TRABALLO INTERNACIONAL “PADRÓN NO CAMIÑO”.

Polo señor González Pardal dase lectura á seguinte moción presentada polo seu grupo e que foi ditaminada favorablemente pola Comisión Informativa C) de data 25 de xaneiro de 2016, que di:

<<Expón

-Que segundo revisión do expediente do Campo de Traballo Internacional (en diante CTI) “Padrón no camiño” desenvolvido en xullo de 2015 foi o Concello de Padrón a través da súa Concellería de Cultura quen fixo a proposta da iniciativa directamente á Dirección Xeral de Xuventude e Voluntariado (en diante DXXV) para ser esta actividade incorporada ao programa Acción de verán 2015 da DXXV.

-Que a DXXV resolveu a petición favorable concedendo a cuantía íntegra solicitada e responsabilizando da execución do CTI ao Concello de Padrón.

-Que na memoria inicial presentada polo concello de Padrón á DXXV consta que o persoal que execute as accións do CTI deberá ter unhas titulacións mínimas esixidas que se describen no texto redactado e presentado polo Consello de Padrón.

-Que nesa memoria se fai referencia aos obxectivos principais que se pretenden acadar e as accións coas que se pretenden conseguir esos obxectivos, entre elas: 1.- Creación de puntos itinerantes de atención ao peregrino ao seu paso pola nosa vila, 2.- Apoio ao servizo de turismo municipal eleborando, entre outros, textos de promoción turística nos idiomas dos participantes do campo, 3.- Creación de actividades culturais vinculadas ao camiño de Santiago adicadas aos peregrinos que cheguen á vila, 4.- Labores de limpeza do propio camiño incluído o tramo do río Sar, recoñecemento dos erros co camiño, revisión da sinalización, 5.- Especial interese en poñer en alza a Pedronía a través, entre outros, da súa sinalización na medida do posible, etc.

-Que os usuarios, tendo a súa base no CEIP Rosalía de Castro, empregarían as instalacións de cociña e comedor nos horarios de almorzos, comidas e ceas. Sen embargo e ao mesmo tempo nesa memoria dise que “*a manutención se fará a través dunha empresa de catering que levará a diario as comidas*”.

-Que no punto 10.- da memoria inicial fálase da avaliación do CTI e das súas actividades e actuacións e dise que “*a avaliación será constante...*”, “*a avaliación farase día a día...*”, “*terase moi presente a opinión dos participantes destinatarios do proxecto, eles tamén formarán parte da avaliación*”, etc.

-Que na memoria final de xustificación entregada pola entidade que levou a cabo a execución do CTI, só aparecen descritas actividades de ocio e tempo libre pero non menciona nin aparece ningunha foto relativa ás actividades que constitúen realmente o CTI.

-Que as únicas reseñas que atopamos na prensa relativas ao CTI fan referencias ás visitas e actos institucionais (visita da Directora Xeral de Xuventude e Voluntariado, recepción por parte do alcalde no solón de plenos, etc) e visitas culturais dos participantes enmarcadas na parte de ocio e animación (visita á Casa de Rosalía de Castro, á Fundación Camilo José Cela, etc).

-Que das 20 prazas ofertadas só foron cubertas 11 e os participantes foron das localidades que se relaciona de seguido: País Vasco (2), Galicia (2), Canarias (1), Aragón (2), Comunidad Valenciana (1), Corea del Sur (2) e Rusia (1).

-Que o Concello de Padrón xustifica a realización do CTI fronte á DXXV coa documentación e factura que lle entregue a entidade adxudicataria pero como promotor pode solicitar ao adxudicatario toda a documentación que considere precisa para o correcto seguimento das actuacións propostas e así consideramos que se debería ter feito para asegurar a calidade e profesionalidade do traballo.



Padrón

Concello de Padrón

CIF P1506600D

Rúa Longa, 27

15900 Padrón, A Coruña

correo@padron.gal

www.concellodepadrón.es

Tfl: 981 81 04 51

Fax: 981 81 15 50

-Que un CTI ademais de promocionar e posicionar internacionalmente á localidade que o desenvolve, contribúe a xerar riqueza local en diferentes sectores por exemplo pequeno comercio e hostalería.

-Que cando solicitamos a factura de pago do CTI (que ascende a 10.769 € IVE incluido) se nos informou dende o concello que esa factura tivera que ser devolta á empresa adjudicataria porque se recibira un escrito da DXXV dicindo que o pago se faría directamente da Xunta de Galicia á empresa Pekexogo Animación e Ocio, S.L.

Considerando estes e outros aspectos do Campo de Traballo Internacional, Alternativa x Padrón propón estudar e debater este asunto no vindeiro pleno ordinario, polo que presenta a seguinte

MOCIÓN

-Que o Concello de Padrón nos informe de si cando se presentou a proposta á DXXV, o orzamento presentado foi orientativo e/ou estipulado pola/a técnica/o que redactou a memoria ou xa se tivera solicitado orzamento previamente a algunha/s entidade/s para ter idea real do custe que podría supoñer.

-Que o Concello de Padrón nos informe de si unha vez recibida a resolución favorable por parte da DXXV, se solicita memoria de execución do proxecto e orzamento a varias entidades ou se opta por adjudicar o CTI directamente sen ter en conta outras propostas que puidesen ser competitivas no eido económico, no profesional ou noutras.

-Que o Concello de Padrón nos informe de si, no caso de terse adjudicado directamente, por quese adjudicou a unha entidade que, de antemán, se adica a accións de ocio e animación principalmente e non se consultou a algunha outra que poida estar máis centrada en aspectos educativos e/ou culturais no eido do tempo libre. Podemos contar ou non con ese tipo de empresa en Padrón pero si tivese que ser de fora polo que puidese aportar ao CTI igual habería que darlle prioridade en beneficio do que o CTI nos pode aportar.

-Que o Concello de Padrón nos informe de si o equipo de persoal contaba coas titulacións mínimas que o concello mencionaba na súa memoria inicial (ver memoria) e que están esixidas ademais polo Decreto 50/2000 e a súa modificación 58/2012. En caso afirmativo, gustaríamos que o concello nos amosase e se quedase cunha copia deses títulos. Antetodo hai que garantir o desenvolvemento do programa e a profesionalización do persoal que a desenvolve.

-Que o Concello de Padrón nos informe de si ademais de actividade de ocio e animación (que son as únicas que aparecen na memoria xustificativa que recibimos) se chegaron a facer as actividades mencionadas anteriormente e que son as que realmente conforman e dan sentido ao CTI. Hai fotografías dos usuarios desenvolvendo esas labores de limpeza? Revisouse a sinalización do camiño? Fixérонse os textos en varios idiomas? Onde están? Leváronse a cabo actividades culturais cos peregrinos que pasaron pola vila neses días? Mellorouse a sinalización da Pedronía?

-Que o Concello de Padrón nos informe e nos amose si existen imaxes, noticias de prensa, novas en redes sociais ou algo que xustifique a realización das actividades obxecto do CTI. Existiu realmente unha boa comunicación social deste campo de traballo por parte do Concello si o comparamos co custe que tivo e co que podería realmente aportar á vila de Padrón co seu carácter internacional?

-Que o Concello de Padrón nos informe de si, cubrindo finalmente 11 das 20 prazas ofertadas, non se pudo ter considerado algunha das posibilidades seguintes:

1.- Abrir as 8 prazas restantes a mozas e mozos da nosa vila e/ou comarca e facelos participen dunha actuación realizada por primeira vez en Padrón.

2.- Reducir o orzamento á entidade adjudicataria en proporción ou ben, considerar a realización doutra actividade polo importe restante noutra época.

-Que o Concello de Padrón solicite un desglose de gastos xerais do desenvolvemento do CTI á entidade

adxudicataria e nos informe, por exemplo, de si se contou cunha empresa de catering para as manutencións. E de ser así, custa realmente 3.274 € (valor memoria inicial) manter 10 días a 11 persoas?.

-Que o Concello de Padrón nos indique porque xa inicialmente non se considerou a posibilidade de colaboración coa hostalería local para as manutencións o que contribuiría a divulgar a nosa gastronomía, xerar riqueza a nivel local, involucrar aos participantes de fóra na nosa cultura e a relationalos coa cidadanía padronesa ademais de dinamizar a vila nos días da súa estancia.

-Que o Concello de Padrón teña a ben:

*Explicar detalladamente os pasos de solicitude, adxudicación, execución e finalización do CTI ademais das diferentes cuestións que nos puntos anteriores lle imos solicitando.

*Solicitar á empresa Pekexogo Animación e Ocio, S.L., o desglose completo dos gastos coa documentación relativa aos mesmos (contratos, seguros, factura de manutencións, materiais, titulacións do persoal de monitorado, etc.).

*Explicar CAL FOI A FUNCIÓN DO CONCELLO DE PADRÓN NESTE CTI SE SÓ NOS REMITIMOS A SOLICITAR UNHA ACTIVIDADE E ADXUDICARLLA DIRECTAMENTE A UNHA EMPRESA. SOMOS INTERMEDIARIOS POR ALGÚN MOTIVO?>>

Aberta a quenda de debate prodúcense as seguintes intervencións de xeito resumido:

Sr. González Pardal. Explica que a moción ven referida ao Campo de traballo que se fixo no 2015 por parte do Concello de Padrón.

Sr. Alcalde. Explica en canto á primeira cuestión que o Concello de Padrón barallaba no ano 2015 a posibilidade de realizar un campo de traballo ben arqueolóxico, concretamente no xacemento da Rocha Branca no que xa se intervira nunha acción anterior de limpeza e posta en valor, ou ben centrado no Camiño de Santiago. Dado que non se reunían as características necesarias para realizar un campo de traballo arqueolóxico, debido á titularidade dos terreos, optouse polo campo destinado á promoción do Camiño de Santiago, como forma tamén de promocionar o camiño histórico de Santiago a Padrón e de aí que se solicitase á Dirección Xeral de Xuventude e Voluntariado da Xunta de Galicia. Que para iso confeccionouse un dossier no que se recollen os obxectivos perseguidos coa dita actividade, a metodoloxía para levala a cabo, localización, datas, perfil de participantes, equipo da actividade, aloxamento e manutención, programación e orzamento. Que este dossier completo e orzamentado foi realizado pola empresa da que teñen conta no expediente e dende o Concello o que se lle indicou á entidade foron as ideas e os obxectivos polos que se quería levar a cabo a actividade coa finalidade de que foran tidas en conta e se viran reflectidas na elaboración de dito dossier ou proxecto. Unha vez que a entidade elaborou o mesmo e o Concello considerou que reunía as ideas e actividades que cumprisen coa finalidade pola que se decidiu realizar o campo de traballo, o documento remitiuse á Dirección Xeral de Xuventude para o seu exame e posterior valoración e unha vez que a Dirección Xeral tomou unha decisión comunicou á concelleira, neste caso Carmen Lois que era a que levaba a área, a súa admisión para a realización do campo de traballo, que ademais pasou a publicar no seu portal xunto cos demais campos de traballo a realizar en Galicia.

Que con respecto á segunda e terceira cuestión, o Concello de Padrón decidiu escoller á única empresa da localidade da que tiña constancia demostrable da súa experiencia na realización de campos de traballo internacionais en diversos concellos de Galicia e durante varios anos consecutivos. Que as boas referencias obtidas sobre os resultados satisfactorios na execución doutros campos de traballo similares e a experiencia demostrable na execución deste tipo de proxectos fixeron que o Concello confiase na entidade e na súa capacidade para realizar a actividade con garantes, dado que era a primeira vez que se realizaba no Municipio. Que no Concello hai outras entidades que se dedican a diversos aspectos no eido do tempo libre, no obstante, o eido do tempo libre é moi amplo e non lles consta que outras tiveran realizado algunha vez un campo de traballo destas características.



Padrón

Concello de Padrón

CIF P1506600D

Rúa Longa, 27

15900 Padrón, A Coruña

correo@padron.gal

www.concellodepadrón.es

Tfl: 981 81 04 51

Fax: 981 81 15 50

Que en resposta á cuarta cuestión, os datos que se solicitan están protexidos pola Lei de protección de datos, estando os mesmos en poder da Dirección Xeral de Xuventude e Voluntariado da Xunta de Galicia que foi a entidade promotora e no caso de querer solicitalos deberán dirixirse a esa Dirección Xeral de Xuventude.

Que en canto á quinta cuestión, as actividades do campo de traballo si se reflicten na memoria final entregada pola empresa, indicando que o grupo dividiuse en tres bloques, dos cales foron rotando para facer diferentes actividades: limpeza e rehabilitacións dos totems que marcan o itinerario da Pedronía do camiño que vai dende Compostela a Padrón, apoio ao punto de información turística municipal, traducción dos textos de promoción turística do Concello aos idiomas dos participantes do campo, apoio á hora de dar información aos peregrinos e todas aquelas funcións e actividades que sexan de utilidade para o punto de información. En canto aos textos traducidos están en posesión do Servizo de Turismo e na memoria final pódense ver fotografías relativas á traducción dos textos, á limpeza do camiño e á rehabilitación da sinalética.

Da sexta cuestión, dí que, ademáis das fotografías que se poden ver na memoria final que aportou a empresa adxudicataria ás diferentes actividades que se foron realizando durante a actividade, foron publicadas nas redes sociais do Concello de Padrón e así tamén os medios de comunicación se fixeron eco da realización do campo de traballo.

En relación á séptima cuestión contesta que, en canto á primeira opción, a inscrición da actividade xestionouna directamente a Dirección Xeral de Xuventude e Voluntariado, non o Concello de Padrón, e eles mesmos reservaron o límite de prazas para mozos e mozas desta Comunidade Autónoma, e outro mínimo de prazas para outras comunidades autónomas e outro mínimo para mozos e mozas estranxeiras. Que os participantes deberían inscribirse previo pago das taxas de participación. O concello de Padrón non interfire nin debe interferir neste proceso. Non obstante, coa finalidade de que a ciudadanía tivese coñecemento da actividade anunciou a existencia do campo para que toda persoa interesada puidese inscribirse e puxo dous técnicos, xuventude e turismo, por ser as dúas áreas implicadas na temática da iniciativa, a disposición do público interesado para explicarles a forma de contactar coa Dirección Xeral e os trámites a seguir.

En relación á oitava cuestións resposta que, na documentación que se lles entregou en varias ocasións xa se proporcionou unha copia da factura que a empresa adxudicataria entregou por rexistro ante a Dirección Xeral de Xuventude e Voluntariado co desglose da mesma e, no outro caso, non serían once persoas porque o persoal que participa na actividade tamén se lle dá esa manutención, que neste caso son cinco persoas máis entre monitores e persoal en prácticas. Que de todas formas se contabilizan dez días de actividade para vinte participantes con almorzo, comida e cea e divídese o orzamento dá un total de 16,37 euros por persoa.

Por último en canto á cuestión nove, dí que o Concello de Padrón sempre ten en conta nas súas actividades o tecido económico e social local, sendo maioritariamente as empresas locais ou da contorna que executan actividades e prestan servizos. Que de igual xeito o Concello pide ás empresas adxudicatarias que na medida do posible todas as actividades repercutan positivamente na actividade económica e social do Municipio e da súa contorna. Que os participantes foron introducidos na nosa cultura, costumes e gastronomía e neste último caso, incluso se desprazaron ata Herbón, onde puideron coñecer de primeira man o proceso do cultivo, recollida e cociña do pemento de Herbón.

Sr. González Pardal. Comenta que non coincide para nada co que se lles explicou na comisión informativa. Que eles pediron con anterioridade copia dos expedientes e se lles entregou a memoria da actividade por parte da empresa e para nada se corresponde coa memoria inicial. Deduce que o Concello ten a idea de facer un campo de traballo e busca unha empresa.

Sr. Alcalde. Contesta que non. Que o Concello ten a idea de facer un campo de traballo e busca o apoio da Consellería e a Consellería se encarga directamente de todo do campo de traballo. Que, por un erro, presentouse no Concello a factura e foi devolta para que se presentara na Consellería.

Sr. González Pardal. Di que entón a Consellería publicita o campo de traballo e esa empresa se presenta. Que daban por feito que a Consellería se ía encargar de todo.

Sr. Alcalde. Contesta que si.

Sr. González Pardal. Di que falaron coa señora interventora e pregunta porque ela fixo unha retención de crédito dos 10.769 € que costaba o campo de traballo.

Sr. Alcalde. Contesta que foi porque pensaron que se ía facer directamente polo Concello, pero ao final se conseguiu que se fixera todo por parte da Consellería.

Sr. González Pardal. Di que entón a Consellería saca este campo de traballo e esa empresa preséntase; que non lle cobra co que dixo o señor Alcalde de que se puxo en contacto cunha empresa en Padrón que era a que tiña máis experiencia en facer campos de traballo.

Sr. Alcalde. Contesta que supón que se recomendou a esta empresa porque tiña experiencia en campos de traballo, pero ao final quen contrata e decide é a Consellería.

Sr. González Pardal. Dille que non corresponde o que dixo co que está decindo agora. Que a eles tamén lles consta outra empresa que ten experiencia nos campos de traballo e ningúén se puxo en contacto con ela e pregunta por que.

Sr. Alcalde. Contesta que non o sabe.

Sr. González Pardal. Pregunta senón hai criterio á hora de seleccionar unha empresa ou outra.

Sr. Alcalde. Di que pode supoñer a empresa que lle di o señor González Pardal, que supón que será Arenaria.

Sr. González Pardal. Contesta que non, que fala doutra e non ten autorización para dar o nome. Que a explicación que lle deu o señor Alcalde non é convincente. Insiste que o campo de traballo é unha ferramenta que pode posicionar Padrón a nivel internacional e parece mentira que se gasten 10.769 € e non se lle dé a publicidade correspondente e que só fora cuberta por 11 prazas das 20. Que non entende como nesas oito prazas restantes non se podía coller xente de Padrón. Que hai listas de espera para entrar nos campos internacionais da Xunta.

Sr. Alcalde. Contesta que non sabe porque este non se cubriu.

Sr. González Pardal. Di que entón hai unha mala xestión, non sabe se por parte da Dirección Xeral, do Concello ou da empresa. Volve dicir que as informacións que se lles deu foron que a memoria inicial a fixo o técnico municipal e que se presentou na Dirección Xeral e iso non concorda co que se está dicindo agora.

Sr. Alcalde. Resposta que si concorda.

Sr. González Pardal. Insiste en que non. Que o señor Alcalde dixo agora que a memoria inicial a fixo a empresa non o técnico municipal.

Sr. Alcalde. Aclara que non dixo iso, senón que a memoria presentada na Dirección Xeral a fixo o técnico de turismo e que a empresa fixo a memoria final para xustificar. Que se quere o lee outra vez todo pero que prefire darlo por escrito.

Sr. González Pardal. Di que si quere que llo dea por escrito e insiste que non lle queda claro e non lle convence o que está a decir o señor Alcalde.

Sr. Alcalde. Di que a moción trata de explicar detalladamente e se lles explicou cada punto e cree que foron explicacións más que suficientes estén ou non estén de acordo.

Sr. González Pardal. Di que de entre toda a documentación que se lles entregou a eles non se lles enviou



Padrón

Concello de Padrón

CIF P1506600D

Rúa Longa, 27

15900 Padrón, A Coruña

correo@padron.gal

www.concellodepadrón.es

Tfl: 981 81 04 51

Fax: 981 81 15 50

ningunha solicitude á Consellería, polo que entende que é verbal como todo o que se fai no Concello.

Sr. Rodríguez Carbia. Di que lle preocupa que moitas veces están a gastar fondos públicos con escasa rendabilidade. Que están de pasada sobre estes temas porque como ven da Xunta, da Deputación ou do Estado, pero a fin de contas non deixan de ser fondos públicos que son bens escasos nun momento de crise económica e aos que hai que buscarlle a maior rendabilidade posible. Que dubida que se cumpriran mínimamente os obxectivos do campo de traballo que aparecen recollidos na moción, porque no primeiro apartado si lle consta que no Paseo do Espolón se establecera un punto de atención ao peregrino, pero en canto ao punto número dous gustaríalle saber que tipo de textos foron os que se elaboraron e se teñen algo que ver cos que se elaboraron cando el ocupaba a área de cultura do Concello, porque cree que son os mesmos e o único que cambiou foi o formato e se engadiu un idioma a maiores.

Sr. Alcalde. Di que non o sabe, pero que o técnico de turismo é o mesmo.

Sr. Rodríguez Carbia. Gustaríalle que se lle facilitara, por parte do goberno, esos textos que supostamente se elaboraron no campo de traballo internacional en diferentes idiomas. Que no punto número tres, descoñece totalmente que tipo de actividades se realizaron e solicita tamén do equipo de goberno se lle facilite detalladamente os tipos de actividades e os días que se realizaron. Que no punto catro, en canto á sinalización, non se realizou nada porque está nun estado de deterioro e abandono con algúns pivotes desaparecidos e, en canto ás labores de limpeza, basta con ir á rúa Bordel para darse de conta que non existen e na zona rural igual. Pregunta que tipo de promoción do Camiño se está a facer. Que non é un problema puntual de fai dous meses senón que é un problema de fai cinco anos e non se fixo nada, desatención total do tema do Camiño, o único que se fixo foi postureo e con iso non se solucionaron os problemas e non se puxo en proxección unha riqueza turística e cultural importante como é a reclamación de Padrón como berce do Camiño Xacobeo. Que en canto ao punto número cinco, di que o que quixeron dende o primeiro momento foi que a Pedronía desaparecera pregándose á famosa ruta fluvial xacobea Mar de Arousa - río Ulla cun diploma porque se tiña feito no mandato no que o seu grupo estivo ao fronte da concellería de cultura. Lembra que había uha exposición itinerante para poñer en alza o valor da Pedronía e as características importantes de Padrón como berce do Xacobeo que estaba durmindo nunha caixa na piscina municipal e agora non sabe onde está e nunca más volveu circular. Que hai temas de interese xeral nos que teñen que camiñar todos no mesmo barco e hai que complementar o que se fixo co que se vai facer, sempre para mellorar pero nunca intentar botar terra sobre o que está feito, porque o único prexudicado vai a ser a cultura de Padrón. Preocúpalle o tema da substitución do motivo do campo de traballo internacional da excavación da Rocha Branca polo do camiño porque non sabería discernir cal é o que ten maior importancia. Que dez mil e pico de euros ben investidos dan para moito pero da maneira que se investiron foi tirar o diñeiro público. Volve ao tema da Rocha Branca e di que os permisos de excavación estaban no Concello porque os deixou el cando marchou do goberno, pero dalquenha maneira hai que seguir desenterrando esa historia que hai nese xacemento e ten que partir dun compromiso do Concello coa defensa do seu patrimonio. Que o próximo campo de traballo internacional tense que centrar tamén no xacemento arqueolóxico da Rocha Branca.

Sr. Santaló Ríos. Cree que esta situación ven derivada da improvisación. Que o Concello fixo unha boa actuación co castelo da Rocha Branca, co desbroce, a posta en valor, a colaboración cos colexios e empezar a dar a coñecer un xacemento que ten un potencial extraordinario, do mesmo calibre que o castelo da Rocha Forte en Santiago, pero a partir de aí empezaron a improvisar e o resultado foi esta chapuza. Que dez mil e pico de euros para o resultado que tiveron é mínimo e insignificante. Pregunta se a contratación a fixo directamente a Consellería.

Sr. Alcalde. Contesta que si.

Sr. Santaló Ríos. Pregunta se o Concello fixo algunha recomendación á Consellería para que se contratara esa empresa.

Sr. Alcalde. Fala por palabras da anterior concelleira e di que a Consellería pregunta por empresas das que se teña coñecemento e aquí en Padrón só tiñan coñecemento desa empresa, de feito cando o comentou

antes co señor González Pardal pensaba nunha empresa pero parece ser que hai outra.

Sr. Rodríguez Conde. Di que Alternativa por Padrón presenta o día 1 de xaneiro esta moción, o día 25 de xaneiro hai comisión informativa na que non se lles explica nada do que acaba de explicar agora, o día 28 de xaneiro houbo pleno e supón que o señor alcalde xa tería ese documento que acaba de leer e desde ese día a hoxe, 18 de febreiro, chega e solta todo o que acaba de describir, pero o normal era que se lles facilitara xa antes toda esa documentación.

Sr. Alcalde. Contesta que a moción se debate hoxe.

Sr. Rodríguez Conde. Dille que o que fixo foi enmarañar porque se o tivera por escrito fai uns días o terían revisado e hoxe poderían preguntar algo. Que empezou a leer xa rápido para que non se enteraran.

Sr. Alcalde. Di que non é así. Que vai constar en acta.

Sr. Rodríguez Conde. Entende que o Concello de Padrón dille ao persoal de turismo que faga un proxecto para entregar á Dirección Xeral de Xuventude.

Sr. Alcalde. Contesta que si, unha memoria.

Sr. Rodríguez Conde. Segue entendendo que ese técnico municipal entrega a memoria para facer unha solicitude. Pregunta se esa subvención era pública a través da Consellería.

Sr. Alcalde. Contesta que si sae publicada como Campo de Traballo no Camiño da Xunta de Galicia.

Sr. Rodríguez Conde. Pregunta se esa solicitude é anterior ou posterior á memoria.

Sr. Alcalde. Contesta que a solicitude foi verbal e a raíz das conversas que no seu día tivo a concelleira presentouse unha memoria do que se podería facer no Camiño e a idea era continuar coa Rocha Branca pero por inmediatez e no momento non se tiña a titularidade e como dixo o señor Rodríguez Carbia, hai que chegar a acordos cos propietarios e que o tema non quede parado.

Sr. Rodríguez Conde. Continúa dicindo que se entrega a memoria en base a esa subvención e se lle concede a unha empresa. Volve preguntar se a Consellería chamou ao señor Alcalde para preguntar por unha empresa.

Sr. Alcalde. Contesta que a el non, que supón que chamou á concelleira delegada de área. Volve explicar que se solicita un campo de traballo, elabórase a memoria e a Consellería contrata o campo de traballo, o adjudica e o paga.

Sr. Piñeiro Otero. Di que contrata a unha empresa que recomendou o señor alcalde.

Sr. Alcalde. Insiste que el non e aclara que si a Consellería pregunta que empresas da zona realizan campos de traballo, eles teñen coñecemento de que esa empresa da zona realizou campos de traballo. Que está todo escrito e se expresaría mal. Repire que a Consellería contratou a esta empresa.

Sr. Rodríguez Carbia. Pregunta que empresa é.

Sr. Alcalde. Contesta que Pekexogo. Que a Consellería a contratou por un importe de 10.769 € porque ten esas competencias para contratala.

Sra. Rey Pazos. Dille se pode volver leer o trozo onde fai referencia a esa contratación e onde fala de que esa empresa tiña experiencia.

Sr. Alcalde. Volve leer "O Concello de Padrón decidiu escoller á única empresa da localidade que tiña constancia demostrable da súa experiencia na realización de campos de traballo internacionais en diversos concellos de Galicia e durante varios anos consecutivos. As boas referencias obtidas sobre os resultados satisfactorios na execución doutros campos similares e experiencia demostrable na execución deste tipo de



Padrón

Concello de Padrón

CIF P1506600D

Rúa Longa, 27

15900 Padrón, A Coruña

correo@padron.gal

www.concellodepadrón.es

Tfl: 981 81 04 51

Fax: 981 81 15 50

proxectos fixeron que o Concello confiase na entidade e na súa capacidade para realizar a actividade con garantes, dado que era a primeira vez que se realizaba no Municipio. No Concello hai outras entidades que se dedican a diversos aspectos no eido do tempo libre, esta administración traballa tamén con elas. Non obstante, o eido do tempo libre é moi amplo e non nos consta que outras tiveran realizado algunha vez un campo de traballo destas características".

Sr. Forján Seoane. Di que o está dicindo, por un lado, que contrata a Xunta e, por outro lado, que o Concello facilita o nome.

Sr. Alcalde. Dilles que entenden o que queren entender. Repite que a Consellería pregunta, de esa zona, que empresas fan campos de traballo e eles lle din que teñen constancia de que esa empresa fai campos de traballo. Que hai outras que se adican a tempo libre pero non teñen constancia de que se adiquen a campos de traballo.

Sra. Rey Pazos. Pregunta senón sería ben chamarlle a todas esas empresas para saber se tiñan experiencia e non decidir escoller a unha. Que non se mete coas empresas senón coa forma de escolller as empresas. Entende que as cousas se deberían de facer así e evitaría que a xente pense que se están dando as cousas a dedo.

Sr. Alcalde. Comenta que están buscando un problema no Concello por unha contratación da Consellería.

Sra. Rey Pazos. Insiste que o que acaba de leer é que o Concello dedidiu escolller.

Sr. Alcalde. Di que de todas formas, áinda incluso de que contratara o Concello, podería contratar directamente ata 18.000 €.

Sendo as once horas e cincuenta e nove minutos o señor Piñeiro Otero, co permiso do señor Presidente, abandona a sesión. Transcorridos uns poucos segundos o señor Piñeiro Otero, co permiso do señor Presidente, reincorpórase á sesión plenaria.

Sra. Rey Pazos. Di que non pon en dúbida que o Concello o poida facer por adxudicación directa, senón que pon en dúbida como o fai porque non é transparente e se están dando a dedo e non está ben. Que non considera que esta empresa esté mellor ou peor capacitada para facelo, pero cree que todas deberían ter a oportunidade de optar e sería bo para o Concello solicitar varios presupostos e varias memorias e escolller entre elas. Engade que sería bo que esas contestacións se lles deran por escrito antes e se non houbese nada que esconder si que llo daría para poder leelo con tranquilidade e así poder levar a cabo as súas funcións de fiscalización. Que tamén subscribe todo o dito sobre a cultura porque é un tema importantísimo.

Sr. Rodríguez Conde. Segue preguntando se a Consellería contratou directamente.

Sr. Alcalde. Contesta que si contratou a esa empresa.

Sr. Rodríguez Conde. Pregunta cantas ofertas había.

Sr. Alcalde. Contesta que non o sabe. Que non pode estar contestando setenta veces a mesma pregunta.

Sr. Piñeiro Otero. Explica que chamaron da Consellería e o señor alcalde deulle o nome da empresa á Consellería.

Sr. Alcalde. Dille que iso é mentira, o grupo de goberno.

Sr. Rodríguez Conde. Pregunta quen fiscaliza que se cumplen os obxectivos do proxecto.

Sr. Alcalde. Contesta que a Consellería.

Sr. González Pardal. Solicita que conste en acta que o seu grupo vai pedir á Dirección Xeral de Xuventude e Voluntariado unha copia do expediente.

Non habendo máis intervencións, o Presidente somete o asunto a votación ordinaria, producíndose o seguinte resultado:

VOTOS A FAVOR: Oito (8), emitidos polos concelleiros do PGD, señores Rodríguez Conde e Guillán Iglesias, polos concelleiros do PSdeG-PSOE, señores Forján Seoane e Piñeiro Otero, pola concelleira de Veciños de Padrón, señora Rey Pazos, polo concelleiro de AxP, señor González Pardal, polo concelleiro do BNG, señor Santaló Ríos e polo concelleiro da CIPa, señor Rodríguez Carbia.

VOTOS EN CONTRA: Ningún.

ABSTENCIÓNS: Cinco (5), emitidas pola concelleira e polos concelleiros do PP, señora Couso Dopazo e señores Fernández Angueira, Pardo Andrade, Sanmarco Santos e García Dios.

Verificado o cómputo da votación, o Pleno da Corporación adopta, por maioría, o seguinte acordo:

-Que o Concello de Padrón nos informe de si cando se presentou a proposta á DXXV, o orzamento presentado foi orientativo e/ou estipulado pola/a técnica/o que redactou a memoria ou xa se tivera solicitado orzamento previamente a algunha/s entidade/s para ter idea real do custe que podría supoñer.

-Que o Concello de Padrón nos informe de si unha vez recibida a resolución favorable por parte da DXXV, se solicita memoria de execución do proxecto e orzamento a varias entidades ou se opta por adxudicar o CTI directamente sen ter en conta outras propostas que puidesen ser competitivas no eido económico, no profesional ou noutrios.

-Que o Concello de Padrón nos informe de si, no caso de terse adxudicado directamente, por quese adxudicou a unha entidade que, de antemán, se adica a accións de ocio e animación principalmente e non se consultou a algunha outra que poida estar más centrada en aspectos educativos e/ou culturais no eido do tempo libre. Podemos contar ou non con ese tipo de empresa en Padrón para si tivese que ser de fora polo que puidese aportar ao CTI igual habería que darlle prioridade en beneficio do que o CTI nos pode aportar.

Que o Concello de Padrón nos informe de si o equipo de persoal contabab coas titulacións mínimas que o concello mencionaba na súa memoria inicial (ver memoria) e que están esixidas ademais polo Decreto 50/2000 e a súa modificación 58/2012. En caso afirmativo, gustaríanos que o concello nos amosase e se quedase cunha copia deses títulos. Antetodo hai que garantir o desenvolvemento do programa e a profesionalización do persoal que a desenvolve.


Que o Concello de Padrón nos informe de si ademais de actividade de ocio e animación (que son as únicas que aparecen na memoria xustificativa que recibimos) se chegaron a facer as actividades mencionadas anteriormente e que son as que realmente conforman e dan sentido ao CTI. Hai fotografías dos usuarios desenvolvendo esas labores de limpeza? Revisouse a sinalización do camiño? Fixérонse os textos en varios idiomas? Onde están? Leváronse a cabo actividades culturais cos peregrinos que pasaron pola vila neses días? Mellorouse a sinalización da Pedronía?

-Que o Concello de Padrón nos informe e nos amose si existen imaxes, noticias de prensa, novas en redes sociais ou algo que xustifique a realización das actividades obxecto do CTI. Existiu realmente unha boa comunicación social deste campo de traballo por parte do Concello si o comparamos co custe que tivo e co que podería realmente aportar á vila de Padrón co seu carácter internacional?.

-Que o Concello de Padrón nos informe de si, cubrindo finalmente 11 das 20 prazas ofertadas, non se pudo ter considerado algunha das posibilidades seguintes:

1.- Abrir as 8 prazas restantes a mozas e mozos da nosa vila e/ou comarca e facelos participen dunha actuación realizada por primeira vez en Padrón.

2.- Reducir o orzamento á entidade adxudicataria en proporción ou ben, considerar a realización doutra



Padrón

Concello de Padrón

CIF P1506600D

Rúa Longa, 27

15900 Padrón, A Coruña

correo@padron.gal

www.concellodepadrón.es

Tfl: 981 81 04 51

Fax: 981 81 15 50

actividade polo importe restante noutra época.

-Que o Concello de Padrón solicite un desglose de gastos xerais do desenvolvemento do CTI á entidade adjudicataria e nos informe, por exemplo, de si se contou cunha empresa de catering para as manutencións. E de ser así, custa realmente 3.274 € (valor memoria inicial) manter 10 días a 11 persoas?.

-Que o Concello de Padrón nos indique porque xa inicialmente non se considerou a posibilidade de colaboración coa hostalería local para as manutencións o que contribuiría a divulgar a nosa gastronomía, xerar riqueza a nivel local, involucrar aos participantes de fóra na nosa cultura e a relationalos coa ciudadanía padronesa ademais de dinamizar a vila nos días da súa estancia.

-Que o Concello de Padrón teña a ben:

*Explicar detalladamente os pasos de solicitude, adjudicación, execución e finalización do CTI ademais das diferentes cuestións que nos puntos anteriores lle imos solicitando.

*Solicitar á empresa Pekexogo Animación e Ocio, S.L., o desglose completo dos gastos coa documentación relativa aos mesmos (contratos, seguros, factura de manutencións, materiais, titulacións do persoal de monitorado, etc.).

*Explicar CAL FOI A FUNCIÓN DO CONCELLO DE PADRÓN NESTE CTI SE SÓ NOS REMITIMOS A SOLICITAR UNHA ACTIVIDADE E ADXUDICARLLA DIRECTAMENTE A UNHA EMPRESA. SOMOS INTERMEDIARIOS POR ALGÚN MOTIVO?

Sendo as doce horas e catro minutos o señor Presidente acorda suspender a sesión por espazo de dez minutos para facer un descanso.

Sendo as doce horas e dezaseis minutos reanúdase a sesión coa asistencia de todas as concelleiras e todos os concelleiros relacionados na cabeceira.

7.- DACIÓN DE CONTA DA RESOLUCIÓN DO ALCALDE DE MODIFICACIÓN DOS MEMBROS DA XUNTA DE GOBIERNO.

En cumprimento do previsto nos artigos 38 do Real decreto 2568/1986, de 28 de novembro, polo que se aproba o regulamento de organización, funcionamento e réxime xurídico das entidades locais (ROF) dase conta ao Pleno da Resolución do Alcalde número 846/2015, do 23 de decembro, pola que se modifican as persoas membros da Xunta de Goberno Local:

<<Antecedentes administrativos.

Primeiro. Por Resolución do Alcalde número 474/2015, do 19 de xuño, acordouse nomear ás e aos seguintes concelleiros e concelleiras membros da Xunta de Goberno Local do Concello de Padrón:

- DONA CARMEN MARÍA LOIS FERRÓN.
- DON JOSÉ RAMÓN PARDO ANDRADE.
- DON ANDRÉS SANMARCO SANTOS.
- DONA LORENA COUSO DOPAZO.

Segundo. O anterior acordo fixose público no Boletín Oficial da Provincia da Coruña número 126 do 7 de xullo do 2015.

Terceiro. O 23 de novembro de 2015 a señora Lois Ferrón presenta no Rrexistro Xeral de Entrada de Documentos escrito de renuncia ao seu cargo de concelleira electa da Corporación Municipal do cal toma coñecemento o Pleno da Corporación Municipal na sesión realizada o 26 de novembro de 2015.

Cuarto. O 15 de decembro de 2015 recepciónase no rexistro municipal a credencial de concelleiro electo, expedida pola Junta Electoral Central, a favor do seguinte na lista presentada no seu día polo Partido Popular: don Francisco García Diós, o cal toma posesión do seu cargo na sesión plenaria realizada o 22 de decembro de 2015.

Fundamentos de derecho.

Primeiro. Considerando que de acordo ao establecido no artigo 20.1. da Lei 7/1985, do 2 de abril, reguladora das bases réximen local (LBRL), a Xunta de Goberno Local é un órgano necesario nos Municipios cunha poboación superior aos 5.000 habitantes.

Segundo. Considerando que corresponde ao Alcalde o nomeamento dos membros da Xunta de Goberno Local segundo o recollido nos artigos 23 da LBRL e 35, 112 e 113 do Real decreto 2568/1986, de 28 de novembro, polo que se aproba o regulamento de organización, funcionamento e réximen xurídico das entidades locais (ROF) e 49º do Regulamento orgánico do Concello publicado no Boletín Oficial da Provincia número 27 do 3 de febreiro de 1998, coa modificación publicada no Boletín Oficial da Provincia número 293º, do 21 de decembro de 2007,

RESOLVO:

Primeiro. Modificar os membros da Xunta de Goberno Local do Concello de Padrón que, a partir da data da presente resolución, quedará integrada pola concelleira e concelleiros seguintes:

- DON JOSÉ RAMÓN PARDO ANDRADE.
- DON ANDRÉS SANMARCO SANTOS.
- DONA LORENA COUSO DOPAZO.
- DON FRANCISCO GARCÍA DIOS.

Segundo. Ordenar a publicación da presente resolución no Boletín Oficial da Provincia da Coruña e notificala ás e aos interesados, coa indicación de que pon fin á via administrativa e contra a cal poderase interpoñer, potestativamente, recurso de reposición ante o mesmo órgano que a ditou, no prazo dun mes contado a desde o día seguinte ao de recepción da notificación da presente ou desde a súa publicación, ou ben, directamente, recurso contencioso-administrativo ante o Xulgado do Contencioso-Administrativo correspondente no prazo de dous meses contados desde a mesma data, sen prexuízo de que se poida interpoñer calquera outro recurso que se estime pertinente.

Terceiro. Comunicar o presente acordo aos diferentes servizos municipais e dar conta do mesmo ao Pleno da Corporación Municipal na primeira sesión ordinaria que se convoque.>>

8.- DACIÓN DE CONTA DA RESOLUCIÓN DO ALCALDE DE MODIFICACIÓN DO NOMEAMENTO DE TENENTES DE ALCALDE.

En cumprimento do previsto nos artigos 46 do Real decreto 2568/1986, de 28 de novembro, polo que se aproba o regulamento de organización, funcionamento e réximen xurídico das entidades locais (ROF) dase conta ao Pleno da Resolución do Alcalde número 847/2015, do 23 de decembro, pola que se modifica o nomeamento de Tenentes de Alcalde:

<<Antecedentes administrativos.

Primeiro. Por Resolución do Alcalde número 475/2015, do 19 de xuño, nomeáronse Tenentes de Alcalde pola orde que se indica ás seguintes persoas membros da Xunta de Goberno Local:

- 1º. DONA CARMEN MARÍA LOIS FERRÓN.



Padrón

Concello de Padrón
CIF P1506600D
Rúa Longa, 27
15900 Padrón, A Coruña
correo@padron.gal
www.concellodepadrón.es
Tfl: 981 81 04 51
Fax: 981 81 15 50

2º. DON JOSÉ RAMÓN PARDO ANDRADE.

3º. DON ANDRÉS SANMARCO SANTOS.

4º. DONA LORENA COUSO DOPAZO.

Segundo. O anterior acordo fixose público no Boletín Oficial da Provincia da Coruña número 126 do 7 de xullo de 2015.

Terceiro. O 23 de novembro de 2015 a señora Lois Ferrón presenta no Rexistre Xeral de Entrada de Documentos escrito de renuncia ao seu cargo de concelleira electa da Corporación Municipal do cal toma coñecemento o Pleno da Corporación Municipal na sesión realizada o 26 de novembro de 2015.

Cuarto. O 15 de decembro de 2015 recepciónnase no rexistro municipal a credencial de concelleiro electo, expedida pola Junta Electoral Central, a favor do seguinte na lista presentada no seu día polo Partido Popular: don Francisco García Dios, o cal toma posesión do seu cargo na sesión plenaria realizada o 22 de decembro de 2015.

Fundamentos de derecho.

Primeiro. De acordo ao establecido no artigo 20.1. da Lei 7/1985, do 2 de abril, reguladora das bases réximen local (LBRL), os Tenentes de Alcalde son un órgano necesario en todo Municipio.

Segundo. Corresponde ao Alcalde o nomeamento dos Tenentes de Alcalde segundo o recollido nos artigos 23.3 da LBRL e 46 do Real decreto 2568/1986, de 28 de novembro, polo que se aproba o regulamento de organización, funcionamento e réximen xurídico das entidades locais (ROF) e 18º do Regulamento orgánico do Concello publicado no Boletín Oficial da Provincia número 27 do 3 de febreiro de 1998, coa modificación publicada no Boletín Oficial da Provincia número 293º, do 21 de decembro de 2007, polo que

RESOLVO:

Primeiro. Nomear Tenentes de Alcalde, pola orde que se indica, ás seguintes persoas membros da Xunta de Goberno Local do Concello de Padrón:

1º. DON JOSÉ RAMÓN PARDO ANDRADE.

2º. DON ANDRÉS SANMARCO SANTOS.

3º. DONA LORENA COUSO DOPAZO.

4º. DON FRANCISCO GARCÍA DIOS.

Segundo. Ordenar a publicación da presente Resolución no Boletín Oficial da Provincia da Coruña e notificala ás e aos interesados, coa indicación de que pon fin á via administrativa e contra a cal poderase interpoñer, potestativamente, recurso de reposición ante o mesmo órgano que ditou o acto, no prazo dun mes contado desde o día seguinte ao de recepción da notificación da presente ou desde a súa publicación, ou ben, directamente, recurso contencioso-administrativo ante o Xulgado do Contencioso-Administrativo correspondente no prazo de dous meses contados desde a mesma data, sen prexuízo de que se poida interpoñer calquera outro recurso que se estime pertinente.

Terceiro. Comunicar o presente acordo aos diferentes servizos municipais e dar conta do mesmo ao Pleno da Corporación Municipal na primeira sesión que se convoque.>>

9.- DACIÓN DE CONTA DA RESOLUCIÓN DO ALCALDE DE MODIFICACIÓN DAS DELEGACIONES DE COMPETENCIAS NAS PERSOAS MEMBROS DA XUNTA DE GOBERNO.

En cumprimento do previsto nos artigos 44 do Real decreto 2568/1986, de 28 de novembro, polo que se

aproba o regulamento de organización, funcionamento e réximen xurídico das entidades locais (ROF) dase conta ao Pleno da Resolución do Alcalde número 848/2015, do 23 de decembro, pola que se modifican as delegacións de competencias nas persoas membros da Xunta de Goberno Local:

<<Antecedentes administrativos.

Primeiro. Por Decreto do Alcalde número 498/2015, do 25 de xuño, delegáronse as áreas municipais entre 4 persoas concelleiras, entre elles dona Carmen María Lois Ferrón.

Segundo. O anterior acordo publicouse no Boletín Oficial da Provincia da Coruña número 126, do 7 de xullo de 2015.

Terceiro. O 23 de novembro de 2015 a señora Lois Ferrón presenta no Rexistro Xeral de Entrada de Documentos escrito de renuncia ao seu cargo de concelleira electa da Corporación Municipal do cal toma coñecemento o Pleno da Corporación Municipal na sesión realizada o 26 de novembro de 2015.

Cuarto. O 15 de decembro de 2015 recepciónnase no rexistro municipal a credencial de concelleiro electo, expedida pola Junta Electoral Central, a favor do seguinte na lista presentada no seu día polo Partido Popular: don Francisco García Dios, o cal toma posesión do seu cargo na sesión plenaria realizada o 22 de decembro de 2015.

Fundamentos de derecho.

Primeiro. Considerando o disposto no artigo 23.4. da Lei 7/1985, do 2 de abril, reguladora das bases réximen local (LBRL) e nos artigos 43.3, 44, 45 e 114 a 118 do Real decreto 2568/1986, de 28 de novembro, polo que se aproba o regulamento de organización, funcionamento e réximen xurídico das entidades locais (ROF), nos que se recolle a posibilidade que o Alcalde delegue con carácter xeral competencias nos membros da Xunta de Goberno Local e con carácter específico noutros concelleiros ou concelleiras,

Segundo. Considerando as competencias que o artigo 21.1. e 2. da LBRL atribúe ao Alcalde, coas limitacións recollidas no parágrafo 3 do mesmo artigo e as previstas no artigo 14º do Regulamento orgánico municipal publicado no Boletín Oficial da Provincia da Coruña número 27 do 3 de febreiro de 1998,

RESOLVO:

Primeiro. Modificar o réxime de delegacións establecido no Decreto deste Alcalde número 498/2015, do 25 de xuño, quedando establecido nos seguintes términos:

Delegar con carácter xeral as seguintes áreas nos concelleiros e concelleiras que se indican, incluíndo, exclusivamente, as facultades de dirixir e xestionar os servizos correspondentes:

1. Deléganse en don JOSÉ RAMÓN PARDO ANDRADE as áreas de,
 - 1.1. Urbanismo, vivenda e solo, excluído o ámbito do casco histórico.
 - 1.2. Vias e obras, excluído o ámbito do casco histórico.
 - 1.3. Servizos públicos básicos: abastecemento de auga, saneamento, alumbrado público, recollida de residuos sólidos urbanos, parques e xardíns, limpeza viaira e cemiterios.
2. Deléganse en don ANDRÉS SANMARCO SANTOS as áreas de,
 - 2.1. Deportes.
 - 2.2. Promoción do emprego e traballo.
 - 2.3. Persoal.



Padrón

Concello de Padrón

CIF P1506600D

Rúa Longa, 27

15900 Padrón, A Coruña

correo@padron.gal

www.concellodepadrón.es

Tfl: 981 81 04 51

Fax: 981 81 15 50

2.4. Réxime interior.

2.5. Tráfico.

3. Deléganse en dona LORENA COUSO DOPAZO as áreas de,

3.1. Cultura.

3.2. Turismo.

3.3. Comercio.

3.4. Casco histórico.

3.5. Igualdade e Muller.

3.6. Xuventude e voluntariado.

3.7. Política Lingüística.

3.8. Información e comunicación.

4. Deléganse en don FRANCISCO GARCÍA DIOS as áreas de,

4.1. Festexos.

4.2. Novas tecnoloxías.

4.3. Educación e ensino.

4.4. Benestar e servizos sociais.

4.5. Praza de abastos e mercados.

Segundo. Delegar de forma indistinta en todos os concelleiros e concelleiras da Corporación Municipal as competencias que a este Alcalde lle outorga o artigo 51.1 do Código Civil para autorizar os matrimonios civís que se celebren neste término municipal.

Esta delegación faculta a todos os Concelleiros e Concelleiras para autorizar matrimonios civís, sen que nunha mesma ceremonia poida intervir máis dun deles.

Terceiro. Nos casos de ausencia, vacante, enfermidade ou calquera outro impedimento dos Concelleiros ou Concelleiras delegadas, este Alcalde asumirá de xeito directo e automático as competencias delegadas en tanto que titular da competencia orixinaria, entendéndose a estes efectos exercitada a potestade de avocación en base á presente resolución, sen necesidade dunha nova resolución expresa neste sentido.

Cuarto. De conformidade co establecido no artigo 44 do ROF, as delegacións enumeradas nos apartados anteriores terán efecto dende o día seguinte á data de notificación deste Decreto aos Concelleiros e ás Concelleiras afectadas e terán carácter indefinido, sen perxuízo da potestade de avocación, revogación ou modificación das mesmas por parte desta Alcaldía.

Quinto. Requerir ás concelleiras e aos concelleiros relacionados no apartado primeiro a aceptación expresa das delegacións que se efectúan, a cal se entenderá tacitamente outorgada si no término de 3 días hábiles, contados desde a notificación da presente resolución, non formulau ante este Alcalde manifestación expresa en sentido contrario.

Sexto. Ordenar a publicación do presente Decreto no Boletín Oficial da Provincia da Coruña e notificala ás e aos interesados, coa indicación de que pon fin á via administrativa e contra a cal poderase interpoñer, potestativamente, recurso de reposición ante o mesmo órgano que dictou o acto, no prazo dun mes contado

desde o día de recepción da notificación da presente ou desde a súa publicación, ou ben, directamente, recurso contencioso-administrativo ante o Xulgado do Contencioso-Administrativo correspondente no prazo de dous meses contados desde a mesma data, sen prexuízo de que se poida interpoñer calquera outro recurso que se estime pertinente.

Sétimo. Comunicar o presente acordo aos diferentes servizos municipais e dar conta do mesmo ao Pleno da Corporación Municipal na primeira sesión que se convoque.>>

10.- DACIÓN DE CONTA DAS RESOLUCIÓNS ADOPTADAS POLA PRESIDENCIA CONTRARIAS AOS REPAROS SUSPENSIVOS FORMULADOS POLA INTERVENCIÓN MUNICIPAL. REPAROS 16 A 19.

Considerando que ten entrado en vigor o 31/12/2013 a Lei 27/2013, de 27 de decembro, de racionalización e sostenibilidade da Administración Local, publicada no Boletín Oficial do Estado número 312, de 30/12/2013.

Considerando que dita norma regula no seu artigo segundo as modificacións introducidas no Texto Refundido da Lei Reguladora das Facendas Locais, aprobado por Real Decreto Lexislativo 2/2004, de 5 de marzo.

Visto que a redacción do apartado terceiro do dito artigo segundo da Lei 27/2013, de 27 de decembro, é do seguinte tenor literal:

<< Tres. El artículo 218 queda redactado como sigue:

<< Artículo 218. Informes sobre resolución de discrepancias

1. *El órgano interventor elevará informe al Pleno de todas las resoluciones adoptadas por el Presidente de la Entidad Local contrarias a los reparos efectuados, así como un resumen de las principales anomalías detectadas en materia de ingresos. Dicho informe atenderá únicamente a aspectos y cometidos propios del ejercicio de la función fiscalizadora, sin incluir cuestiones de oportunidad o conveniencia de las actuaciones que fiscalice.*

Lo contenido en este apartado constituirá un punto independiente en el orden del día de la correspondiente sesión plenaria.

El Presidente de la Corporación podrá presentar en el Pleno informe justificativo de su actuación.

2. *Sin perjuicio de lo anterior, cuando existan discrepancias, el Presidente de la Entidad Local podrá elevar su resolución al órgano de control competente por razón de la materia de la Administración que tenga atribuida la tutela financiera.*
3. *El órgano interventor remitirá anualmente al Tribunal de Cuentas todas las resoluciones y acuerdos adoptados por el Presidente de la Entidad Local y por el Pleno de la Corporación contrarios a los reparos formulados, así como un resumen de las principales anomalías detectadas en materia de ingresos. A la citada documentación deberá acompañar, en su caso, los informes justificativos presentados por la Corporación Local.>>*

En cumprimento do mandato legal recollido no artigo precedente, dáse conta ao Pleno da Corporación Municipal das resolucións adoptadas pola Presidencia contrarias aos reparos suspensivos formulados pola Intervención Municipal:

- Resolución do Alcalde número 759/2015, de 16 de novembro, polo que se deixa sen efecto a discrepancia plantexada coa Intervención Municipal e se levanta o reparo suspensivo número 16/2015, de 16 de novembro, interposto contra a aprobación dunha serie de facturas e gastos por importe total bruto de 50.054,43 euros.



Padrón

Concello de Padrón

CIF P1506600D

Rúa Longa, 27

15900 Padrón, A Coruña

correo@padron.gal

www.concellodepadrón.es

Tfl: 981 81 04 51

Fax: 981 81 15 50

- Resolución do Alcalde número 837/2015, de 15 de decembro, polo que se deixa sen efecto a discrepancia plantexada coa Intervención Municipal e se levanta o reparo suspensivo número 17/2015, de 15 de decembro, interposto contra a aprobación dunha serie de facturas e gastos por importe total bruto de 40.615,60 €.
- Resolución do Alcalde número 852/2015, do 29 de decembro, polo que se deixa sen efecto a discrepancia plantexada coa Intervención Municipal e se levanta o reparo suspensivo número 18/2015, de 29 de decembro, interposto contra a aprobación dunha serie de facturas e gastos por importe total bruto de 37.115,28 €.
- Resolución do Alcalde número 866/2015, de 30 de decembro, polo que se deixa sen efecto a discrepancia plantexada coa Intervención Municipal e se levanta o reparo suspensivo número 19/2015, de 30 de decembro, interposto contra a aprobación dunha serie de facturas e gastos por un importe total bruto de 34.680,61 €.

Sra. Rey Pazos. Solicita que conste en acta que Veciños de Padrón quere deixar claro e reiterar que non comparte en absoluto a política levada a cabo polo goberno baseada no levantamento de reparos suspensivos e mantemento de situacíons ilegais no canto da procura de soluciones eficientes. Queren saber que medidas vai levar a cabo este goberno e cando pensa adoptalas para saír destas situacíons de ilegalidade. Que Veciños de Padrón, tendo en conta, e ao seu criterio, que o Concello xa está paralizado, tomará medidas cada vez más drásticas coa intención de poñer fin a estas situacíons.

11.- DACIÓN DE CONTA DAS RESOLUCIÓNNS DO ALCALDE DA NÚMERO 777/2015 Á NÚMERO 866/2015 E DAS RESOLUCIÓNNS DO ALCALDE DA NÚMERO 001/2016 Á NÚMERO 033/2016.

En cumprimento do disposto no artigo 42 do Real Decreto 2568/86, do 28 de novembro, polo que se aproba o regulamento de organización, funcionamento e réxime xurídico das entidades locais, dase conta das resoluciónns ditadas pola Alcaldía da número 777/2015 á número 866/2015 e da número 001/2016 á número 033/2016.

12.- ROGOS E PREGUNTAS.

Rogos presentados polo grupo político municipal de Veciños de Padrón.

1.- Sra. Rey Pazos. Rogamos que se proceda a limpar a zona que rodea ao Convento de Herbón e forma a denominada "Ruta do Pemento".

2.- Sra. Rey Pazos. Rogamos que se proceda a cambiar de sitio os colectores situados á beira dun dos paneis tecnolóxicos da "Ruta do Pemento".

3.- Sra. Rey Pazos. Rogamos inclúase na información en relación con esta ruta a distancia do percorrido da mesma así como o tempo de duración aproximado.

4.- Sra. Rey Pazos. Rogamos se proceda á limpeza do sendeiro no Canal dende a ponte de entrada da Autopista ata o final do Canal.

5.- Sra. Rey Pazos. Rogamos que se proceda a tomar medidas para evitar que as escaleiras do Santiagoño estean esvaradias e a establecer, mentres non se tomen medidas, unha sinal que advirta aos viandantes, maiormente peregrinos, do perigo de escorregar existente.

6.- Sra. Rey Pazos. Rogamos que as decisiónns que tome o equipo de goberno, aínda que sexan da dúa competencia, acerca de asuntos relevancia para o municipio (exemplo a titularidade dunha estrada,...) informe ao resto dos partidos que forman esta Corporación para que non teñan que enterarse a través da prensa.

Rogos presentados polo grupo político municipal do PGD.

1.- Sr. Rodríguez Conde. Rogamos que se ubique como mínimo unha papeleira na rúa Real, xa que non hai ningunha.

2.- Sr. Rodríguez Conde. Rogamos que se nós facilite unha copia do Concilia Nadal 2015-2016.

3.- Sr. Rodríguez Conde. En datas pasadas a consecuencia da chuvia caída desbordouse o río Sar a seu paso polos lugares de Pazos e Lamas entre outros, estivemos cos veciños-as de ditos lugares, sobre todo no lugar de Lamas nos comunican que quen dá o aviso de que a auga está chegando as vivendas, fanno os propios veciños para poder levantar ou sacar utensilios domésticos, vehículos ou o que consideren para que non os colla a auga. Rogamos que se estableza un protocolo a seguir para que no futuro sexan os servizos municipais competentes na materia os que dean o aviso da chegada preto das vivendas, con tempo suficiente para ditos traballos.

Rogos orais formulados polo grupo político municipal do BNG.

1.- Sr. Santaló Ríos. Que se proceda á reparación da pista de Lestido e á de Lestido a Barco, que arranca diante da casa de Mercedes, porque está totalmente destrozada e que se tomen as medidas oportunas para presevar esta pista.

Rogos orais formulados polo grupo político municipal de AxP.

1.- Sr. González Pardal. Que se poña un espello na saída da Fundación Paideia, na Escravitude, porque hai mala visibilidade cando se sae cara a Padrón.

2.- Sr. González Pardal. Que segue sen poñer o cartel indicativo de Herbón na nova rotonda de circunvalación de Padrón.

Rogos orais formulados polo grupo político municipal do PSdeG-PSOE.

1.- Sr. Forján Seoane. Recorda que teñen pendente de entregarles do pleno pasado documentación que solicitaron e non se lles dou como, por exemplo, o informe relativo ás cagadas dos cans, entre outros.

Preguntas presentadas polo grupo político municipal do PSdeG-PSOE.

1.- Sr. Forján Seoane. Nas rúas podemos ver aparcados vehículos que carecen de tarxeta para acceder ao casco urbano e/ou con tarxetas do ano 2014. No aparcamento reservado para realizar xestións en Correos ou compras nas farmacias podemos ver vehículos aparcados durante ¿horas?. ¿Que actuacións se están realizando desde a concellería de tráfico e alcaldía para que se sumpran a ordenanza de tráfico e cantas sancións se impuxeron por estos feitos durante o ano 2015?

Sr. Alcalde. Contesta que no ano 2015 interpuxéronse por estos feitos, carecer de tarxeta, a tarxeta de prazo de validez vencido, utilización fraudulenta de tarxeta correspondente a outro vehículo, un total de 107 denuncias. Que as actuacións que se están realizando dende a Concellería de Tráfico son similares ás que se realizaban no período do 2007-2011 por parte da Policía Local, é dicir, denunciar as infraccións que se observen. Que en canto ao aparcamento situado no lateral da Igrexa parroquial, reservado para correos e farmacias, con sinal vertical colocada no ano 2008, por parte do xefe da policía local se informa que estacionan diariamente vehículos dos que se desconocen se realizan xestións nos sitios indicados e esta circunstancia foi exposta ao entón concelleiro de tráfico, señor Bentrón, indicándolle ademais que constituía unha discriminación co resto de establecementos do casco urbano aos cales ninguén lles reservou aparcamento para a súa clientela, pero en calquera caso por parte da policía local e a actuación dos seus axentes só pode limitarse a denunciar aquellas infraccións que superen amplamente o espazo de tempo que se supón para tales xestións, e aínda así non deixa de ser unha apreciación moi suxeitiva e por tanto susceptible de recurrir polo afectado con bastantes garantía de éxito. Que a policía local di que a denuncia debe aportar todos os datos necesarios sobre os que basear os seus argumentos porque só así os axentes poden dar validez a unha afirmación que deixa entrever unha neglixencia por parte dos axentes da policía local.



Padrón

Concello de Padrón

CIF P1506600D

Rúa Longa, 27

15900 Padrón, A Coruña

correo@padron.gal

www.concellodepadrón.es

Tfl: 981 81 04 51

Fax: 981 81 15 50

Sr. Forján Seoane. Pide que nas próximas contestacións non lle faga xuízos de valor e se axuste a dar unha resposta.

Sr. Alcalde. Dille ao señor Forján Seoane que si nas próximas contestacións pregunta con xuízos de valor el lle respostará con xuízos de valor, e se pregunta sen xuízos de valor el lle contestará sen xuízos de valor. Que esa é a resposta.

2.- Sr. Forján Seoane. ¿Que actuacións está realizando o goberno municipal con respecto á próxima caducidade da concesión dos postos da Praza de Abastos?

Sr. Alcalde. Contesta que no seu día se retirou a ordenanza pola proximidade das eleccións e se está retomando o tema da ordenanza para unha próxima licitación.

3.- Sr. Forján Seoane. Concello, por un lado, di apoiar ao comercio local, que se compre no propio concello, e por outro vemos como se aproban facturas de gastos do concello por compras en: establecementos como "Super Chino Galicia", "Primark", "Lifen"... ¿É con estas compras coas que o goberno municipal do Partido Popular apoia ao comercio local?.

Sr. Alcalde. Contesta que ese é un xuízo de valor.

Sr. Forján Seoane. Di que son facturas que están aprobadas e na contabilidade municipal.

Sr. García Dios. Contesta que nesas facturas tamén estaban as de Comercial Tatino. Que non lle interesa o que non quere. Que tamén están as da tenda Lifen, as do Quiosco Paty de Padrón, pero esas non as nomea.

Sr. Forján Seoane. Di que non están contestanto ao que se lle pregunta.

4.- Sr. Forján Seoane. Nas últimas semanas producironse varias roturas na tubería, fibrocemento, de subministro de auga na rúa Castelao. ¿Que ten pensado facer o goberno municipal para evitar as constantes roturas e as molestias e falla de servizo a que se ven sometidos os veciños afectados polas mesmas?.

Sr. Pardo Andrade. Contesta que se está facendo o proxecto que tiña falado o señor Rodríguez Carbia de Iria detrás da Igrexa e depois continuarase.

Sr. Forján Seoane. Di que fala da rúa Castelao.

Sr. Pardo Andrade. Contesta que cando se poida farase.

Sr. Forján Seoane. Dille que sexan serios.

Sr. Alcalde. Pídelle que continúe e dille que el é moi serio.

5.- Sr. Forján Seoane. Estamos asistindo, diante da pasividade do goberno municipal, ao derrube de elementos de edificios do casco histórico, polo que pedimos se nos conteste as seguintes preguntas:

a) Número de notificacións emitidas a propietarios no ano 2015.

Sra. Couso Dopazo. Contesta que 7.

b) Número de sancións tramitadas no ano 2015.

Sra. Couso Dopazo. Contesta que niguinha.

c) Número de actuacións realizadas polos propietarios en base as notificacións/sancións tramitadas.

Sra. Couso Dopazo. Contesta que 7.

6.- Sr. Forján Seoane. ¿Cal é o motivo de que non se entregase ao Grupo Municipal Socialista as copias solicitadas das notificacións enviadas ao concello por Sanidade Ambiental e Xacobeo, relativas ao depósito de cartón e lixo a beira de fontes, establecementos de hostalería e no Camiño? Di que especialmente, que non o pon por escrito, á praza de Camilo José Cela.

Sr. Alcalde. Contesta que por un exceso de carga administrativa. Procede a dar lectura á notificación de Sanidade: "Achégolle copia da denuncia presentada nesta xefatura territorial por don Camilo Forján Seoane e don Alberto Piñeiro Otero, pola situación na que se atopa a fonte Camilo José Cela sita en Padrón, para que apliquen as medidas correctoras axeitadas, baseándose nas competencias que lle son propias aos municipios en materia de protección da salubridade pública segundo lexislación (entre outras: Lei 7/1985, do 2 de abril, de bases do réxime local; Lei 14/1986, do 25 de abril, xeral de sanidade; Decreto 133/2008, do 12 de xuño, polo que se regula a avaliación de incidencia ambiental; Lei 8/2008, do 10 de xullo, de saúde de Galicia). Realizada visita de inspección por inspectores de saúde pública dependentes da Xefatura Territorial da Consellería de Sanidade na acta C-171733, do 30/11/2015, da que quedó copia en poder de don José Raúl Cabo Rabuñal, reflectiuse que a fonte carece de sinalización". Que en canto á do Xacobeo: "Desexo informar que con data 17 de novembro de 2015 esta S.A recibe un escrito do voceiro e dun concelleiro do grupo municipal socialista do Concello de Padrón polo que se nos informa sobre algunas deficiencias en relación coa recollida de lixo no entorno da fonte da Praza de Camilo José Cela, á beira do Camiño Portugués, e no Paseo do Espolón, requirindo unha actuación desta S.A. Efectuada unha visita por parte dos técnicos desta S.A foi comprobada a existencia de problemas puntuais en relación coa recollida do lixo en ambos puntos; no caso da Praza de Camilo José Cela por exceder os depósitos de RSU á capacidade dos contenedores non así no caso do Paseo do Espolón en que están relacionados coa celebración do tradicional mercado dominical. Agracedemos que, no ámbito das competencias e posibilidades dese Concello, se adopten as medidas oportunas para evitar ao máximo estas situacions que afectan negativamente á imaxe do Camiño Portugués, especialmente no entorno da fonte pública da Praza de Camilo José Cela".

Sr. Forján Seoane. Di que neste caso contesta ao que se lle pregunta.

7.- Sr. Forján Seoane. ¿Cando vai a informar aos membros da corporación municipal, tal como se acordou en pleno, dos acordos dos órganos de governo da Fundación Camilo José Cela, Deloa...nos que vostede actúa como representante da Corporación Municipal.

Sr. Alcalde. Contesta que neste mes de febreiro daralle resposta por escrito.

8.- Sr. Forján Seoane. ¿Cal é o importe das facturas aprobadas/abonadas durante o ano 2015 a: Cándido Sanmarco e Hijos S.L., Aluminios Sefer S.L., Xelacal Construcciones Jesús Lapido Calvo, P&P Distribuciones P&P Distribuciones Damián Perol Mariño.

Sr. Alcalde. Contesta que Cándido Sanmarco e Hijos, 4.834,21 €; Aluminios Sefer, 9.110,70 €; Xelacal Construcciones Jesús Lapido Calvo, 24.919,83 €; e Damián Perol Mariño, 28.717,65 €.

Sr. Forján Seoane. Di que de Distribuciones P&P hai dúas facturas distintas.

Sr. Alcalde. Contesta que deben ser as mesmas.

Preguntas presentadas polo grupo político municipal de Veciños de Padrón.

1.- Sra. Rey Pazos. Finalmente que decisión adoptou o Alcalde en relación coa titularidade da AC 299? Xa que tras o Pleno extraordinario celebrada en relación a esta cuestión non fomos informados da decisión final do Alcalde.

Sr. Alcalde. Contesta que na Xunta de Goberno Local de 10 de decembro se acordou revocar ese acordo de asumir a titularidade e xa lle foi notificada á señora Rey Pazos o 18 de xaneiro.

2.- Sra. Rey Pazos. Uns veciños do lugar a Peloura en Extramundi informáronnos de que persoal do



Padrón

Concello de Padrón

CIF P1506600D

Rúa Longa, 27

15900 Padrón, A Coruña

correo@padron.gal

www.concellodepadrón.es

Tfl: 981 81 04 51

Fax: 981 81 15 50

Concello procedeu a limpar a maleza que invadía a vía pública diante dunha nave en este mesmo lugar pero que non fixo o mesmo co resto da maleza en iguais circunstancias nesa pista, ante isto, preguntámossalos cales son os criterios que segue este goberno ante estas situacións?.

Sr. Pardo Andrade. Contesta que o tractor cando vai limpia os taludes das pistas e non hai ningún criterio nin para uns nin para outros, todo o mundo igual.

3.- Sra. Rey Pazos. Canto custou o portal da transparencia que aparece na web do Concello?. Cada canto tempo se vai a proceder á actualización da mesma?. Considera o goberno como transparencia un portal que leva este nome pero ao que non se pode acceder directamente desde páxina do concello a un golpe de "click"?

Sr. Alcalde. Contesta que costou cero.

Sra. Rey Pazos. Pregunta cando se ten pensado completar xa que moitos dos apartados carecen de contidos.

Sr. Alcalde. Contesta que moitos dos apartados están definidos para grandes cidades. Que esto entrou en vigor o 10 de decembro e se puxo o antes posible a funcionar, e hai apartados que faltan como os contratos menores e o coste efectivo dos servizos. Que se vai actualizar constantemente.

Sra. Rey Pazos. Di que faltan moitas cousas máis. Que a raíz disto comprobou que xa se pode acceder directamente desde a páxina do Concello.

Sr. Alcalde. Dille que xa estaba antes disto.

Preguntas presentadas polo grupo político municipal do PGD.

1.- Sr. Rodríguez Conde. Con respecto aos días de temporal 9 e 14 de xaneiro que fixo desbordar o río Sar, ca consecuencia de que varios lugares do noso Concello se viron afectados, e sobre todo o lugar de Lamas queremos saber: Habendo un grupo de emerxencias a menos dun kilómetro de Lamas (Polígono de Pazos) ¿Porque non deron o aviso da chegada das augas as vivendas?

Sr. Alcalde. Contesta que preguntado ao GES de como non se tiña dado aviso ás vivendas, contestaron que estaban cortando as estradas na zona da Meana e Seira, con aviso do 112 e quitando os coches que estaban paralizados nas pistas immobilizados pola auga. Que cando chegaron a Lamas xa subira a auga, pero tampouco eles recibiran ningún tipo de aviso antes ao igual que despois do 112 recibiron aviso de inundacións, naquelas datas non se mandou ningún aviso de inundacións.

Sr. Rodríguez Conde. Pregunta ¿Onde estivo o concelleiro de emerxencias, que non apareceu? ¿Onde estivo o Sr. Alcalde que non apareceu por Lamas cando o necesitaban?

Sr. Alcalde. Contesta que estiveron en todo momento pendentes dos avisos do GES.

Sr. Rodríguez Conde. Pregunta ¿Onde están os medios de emerxencia e Policía Local para avisar destes fenómenos adversos da chegada da auga as casas?

Sr. Alcalde. Volve contestar que non se recibiron avisos e que o GES estaba na Meana. Que hai unha serie de avisos que tiñan: retirada de niños de bespas, accidente na AP-9, regulación de tráfico na Picaraña-Padrón, corte por anegamento, revisando zonas sensibles de anegamento, e outros, pero concretamente dessa subida de auga non se tivo.

Sr. Rodríguez Conde. Pregunta ¿Para cando a segunda fase de canalización do río Sar?.

Sr. Alcalde. Contesta a segunda fase tiña asinado un presupuesto de dous millóns de euros para un tramo duns 150 metros entre a ponte de Extramundi e a Meana, foi paralizada por parte da Xunta porque non se trataba de actuacións de interese público, arquivouse o expediente expropiatorio a pesares de que estaban

levantadas as actas de primeira ocupación e únicamente quedaba por fazer o depósito previo e a día de hoxe non hai ningunha cantidade orzamentada.

2.- Sr. Rodríguez Conde. A vivenda que está dentro do recinto do Colexio Rosalía de Castro a quén pertence?

Sr. Alcalde. Pregunta se se refire á titularidade e dille á señora secretaria que o explique.

Sra. Secretaria. Explica que se lle solicitou por escrito á Consellería e contestou que todo o que está dentro do recinto é da Consellería e esa vivenda está dentro do recinto. Que está falando de memoria pero cree que é así.

3.- Sr. Rodríguez Conde. Con respecto a estas facturas aprobadas na Xunta de Goberno Local celebrada o día 30 de decembro de 2015 que son:

A/124 Cándido Sanmarco e Hijos S.L., traballo realizados na piscina municipal 2.316,50 euros.

A/15124 Francisco Javier Becerra Camiña reparacións realizadas piscina cuberta 5.801,95 euros.

42 Limpezas Ely J. Elisardo Díaz limpeza e desoxidación pavimento piscina 2.305,65 euros.

M. Núñez e Hijos S.L.

15/I00313 elementos para equipo frigorífico de deshumectadora de piscina 4.805,15 euros.

15/I00315 montaxe e instalación elementos piscina 5.628,92 euros.

15/I00314 suministros para piscina cuberta 5.328,85 euros.

15/I00305 suministros para piscina cuberta 5.910,85 euros.

43/15 Xalacal Construccións, Jesús Lapido, rehabilitación piscina cuberta 7.642,30 euros.

TOTAL 39.735 EUROS.

Queremos saber de que son estas facturas se está pechada a piscina?.

Sr. Sanmarco Santos. Contesta que tiveron un pleno onde se explicaron todas esas facturas.


Sr. Alcalde. Engade que as facturas son para acondicionar a piscina para cando se poida abrir tela en perfectas condicións, ao igual que haberá unha factura dun arquitecto polo informe do vaso. Que son diferentes actuacións previas á apertura da piscina municipal.

Pregunta oral formulada polo grupo político municipal de Axp.

1.- Sr. González Pardal. Recentemente saiu unha noticia sobre a Policía Local de que Rois vai pedir poder utilizar a policía local no seu concello. Pregunta se hai algún informe sobre os servizos, as necesidades ou o persoal.

Sr. Alcalde. Contesta que o alcalde de Rois púxose en contacto con el para falar deste tema e é algo que se pode estudar o de ampliar o servizo da policía local para Rois, pero antes da ampliación habería que aumentar efectivos. Que non está disposto a que Padrón teña menos servizo por complementar un pouco a Rois. Que tamén haberá que ter os permisos oportunos do Ministerio para que a policía actúe. Que se pode facer a través de diferentes vias e unha delas pode ser vía convenio, como se fai na Pascua ou noutras festas como colaborando coa policía de Arzúa, Santa Comba ou Teo e que veñen a reforzar o servizo. Que en todo caso Rois necesita autorización.

Sr. González Pardal. Pregunta se hai algún informe da policía local.



Padrón

Concello de Padrón

CIF P1506600D

Rúa Longa, 27

15900 Padrón, A Coruña

correo@padron.gal

www.concellodepadrón.es

Tfl: 981 81 04 51

Fax: 981 81 15 50

Sr. Alcalde. Dille que agora de memoria non o pode dicir.

Sr. González Pardal. Pregunta se poden solicitar o cuadrante dos turnos da policía local do ano 2015.

Sr. Alcalde. Contesta que si.

2.- Sr. González Pardal. No pleno anterior aprobaron un informe técnico das escolas municipais porque en nadal púxose en contacto con el o técnico decindo que ía elaborar outro informe novo porque xa tiñan un da escola do Couto que é o que lles interesaba. A día de hoxe lle din en urbanismo que non teñen ningunha providencia para facelo.

Sr. Alcalde. Contesta que está enviado a un despacho externo porque se o fixeran eles tiñan que parar o traballo de urbanismo quince días e repartirse o traballo entre eles.

3.- Sr. González Pardal. Hai unha factura de 8.639,39 € dunha empresa que se chama Pequecha de realización dunha APP sobre Padrón. Pregunta cantas descargas tivo esta APP en Android.

Sr. Alcalde. Contesta que non o sabe.

Sr. González Pardal. Di que 50 hai un mes.

4.- Sr. González Pardal. Que se celebrou un congreso da xunventude coa instalación dunha carpa diante do Centro Social. Pregunta se lle costou algo ao Concello.

Sr. Alcalde. Contesta que autorizar o uso das instalacións porque o pagou todo a Xunta. Que sempre custa algo porque hai persoal para colaborar. Engade que hai unha factura de seguridade.

5.- Sr. González Pardal. Ve que hai unha serie de pago de facturas ou de cuñas publicitarias e anuncios a unha entidade que se chama Comercio de Padrón.

Sr. Alcalde. Entende que fala dunha factura de sesenta euros e é unha factura de colaboración co Comercio de Padrón.

Sr. González Pardal. Pregunta se Comercio de Padrón é unha persoa xurídica ou unha asociación.

Sr. Alcalde. Contesta que son unha serie de persoas representando ao comercio e din que van realizar un evento e piden que o Concello colabore coas cuñas e o Concello colabora.

Sr. González Pardal. Di que a súa pregunta ven porque hai outras persoas ou outras entidades que van ao Concello e non se lles axuda.

Sr. Alcalde. Contesta que se procura axudar a todo o mundo e que si se refire ao de Cantos de Taberna foi falado con eles nunha reunión.

6.- Sr. González Pardal. Con respecto ao contrato de aluguer da cafetería do Centro Social, pregunta se o goberno actual ten pensado facer algo.

Sr. Alcalde. Contesta que unha licitación, conforme a prioridades.

7.- Sr. González Pardal. Con respecto ao Convento do Carme existe algúun convenio de colaboración co Concello por uso de instalacións.

Sr. Alcalde. Contesta que está cedido o uso ao Concello.


8.- Sr. González Pardal. En canto á piscina municipal, hai algunha data de previsión sobre a apertura.

Sr. Alcalde. Contesta que está a liquidación feita fai quince días e está en prazo de alegacións e dependendo das alegacións convocarase unha comisión para darriles conta e ver que empresas veñen.

E non habendo máis asuntos que tratar, de orde da Presidencia deuse por rematada a sesión sendo as doce horas e cincuenta e dous minutos, de todo o cal se estende a presente acta que, en proba de conformidade, asina conmigo o Alcalde, e do que como Secretaria dou fe.



Acto Antonio Fernández Angueira



Asno Ana María Ares Álvarez